

四庫全書

子部

欽定四庫全書

翰苑新書前集卷五

樞密院

樞使

副使

使相

知院

樞密院

唐代宗永泰中置內樞密使通鑑續事始以官者為之初不置司局但有屋三楹貯文書而已

其執掌惟承受表奏於內中進呈若人主有所處分則宣付中書門下施行而已呂原明家塾廣記永泰中官宦董廷秀掌樞密事元和中利光琦梁守謙為樞密使長慶中王守澄知樞密事舊左右軍容多入為樞密亦無視事之廳後僖昭時揚復恭西門季玄欲奪宰相權乃於堂狀後帖黃指揮公事此其始也續通典後梁羊唐世宦官之弊開平元年改樞密院為崇政院命敬翔為使始更用士人五代會要分記其備顧問參謀義

於中則有之未始專行事於外也五代史唐莊宗同光元年復以崇政院為樞密院命宰臣郭崇韜兼使又置院使一人然權侔宰相矣五代會要晉天福中以桑維翰知樞密院事四年廢樞密院以劉處謙兼樞密奏議多不稱旨及處謙丁內憂遂廢其院開運元年復置以宰臣桑維翰兼使周顯德六年范質王溥並參知樞密院事五代會要國朝樞密院與中書對持文武二柄號為二府建隆元年以魏仁溥吳延祚為樞密使趙普為副使周末闕副使至是始置太平興國四年以石熙載為樞密直學士以簽書院事簽書之名始此淳化三年以張遜知院事溫仲舒寇準同知院事同知院之名始此治平中以郭達同簽書院事同簽書之名始此舊制樞密院有使則置副使有知院則置同知會要如置知院則當為副使者皆改同知若置使則同知復改為副使熙寧元年文彥博呂公弼為使韓絳邵亢為副使時陳升之三至樞府神宗欲稍異其禮乃以為知院於是知

院興副使並置矣元豐改官制議者欲廢密院歸兵部  
神宗曰祖宗不以兵柄歸有司故專命官統之互相維  
制不從然以樞密聯職輔弼非出使之名乃定置知院  
同知院二人餘悉置職事亦多所釐正細務分隸六曹  
專以邊機軍政為職而契丹國信民兵牧馬猶總領焉  
續會要中興初有知院同知院簽樞同簽樞不置樞密  
使副使中興會要紹興七年張魏公既薦秦相未欲其  
與己並又以故相不可除他官乃先白高宗降旨以本  
兵之地事權宜重特除樞密使朝野雜記又朝野雜記  
秦檜首復除樞使王敏節副之既而張劉二將並除樞  
密使岳飛副之合典故矣近歲張浚汪徽虞允文王炎  
王淮周必大王蘭趙汝愚繼除樞使其副止稱同知蓋  
相承  
之誤

# 皇朝事實宥府

王禹偁制宥密之  
府總樞密於萬幾

## 上樞

王岐公集回察  
樞云擢從外間

入贊 **温省** 胡文恭行樞密副使王疇妻制云朕用禁才之老典温省之務甫參等於帷幄永班秩於

室 **中樞** 温公除文彦博 **西樞** 熙寧三年詔曰國家以西制云仍冠中樞 樞內輔翊贊本兵任為重

矣 **天樞** 後漢皇帝記注春秋運斗樞北 **宥省** 王岐公集賜曾公亮

批答旋冠 **本兵** 見西 **樞省** 王岐公集賜曾公亮 **樞謨** 王

得除王曾制 **神機** 王禹偁集聽 **樞要之司** 歐陽集 **密勿**

**之司** 楊文公 **神兵會府** 王岐公除文彦博制 **文武參用**

自五代以樞密院文武參用祥符七年王 **對持二柄** 見

嗣宗曹利用並為檢校太保充副樞使 **對持二柄** 見

制 **掌機務政令** 續會要樞密院掌天子之機 **筦于神務**

務及天下邊境軍馬之政令

賜張耆詔北樞之躐莞于用宣頭家塾廣記郭崇勳安重誨為樞密使始分

神務二訪之府倚以老成領政事不由中書直行下者謂之宣如中書之勅小事則發頭于擬堂帖也至今樞密院用宣及頭子

### 省同議

呂原明家塾廣記神宗云改官制大事三省與密院同議進呈書旨稱三省樞密院同奉聖旨

三省官皆同簽付樞密院行之小事獨取旨行訖關三省每朝三省樞密院先同對樞密退待於殿廡三省始

留進呈三省事退樞密院再上進呈獨取旨遂為定制

### 開南廳

家塾記常事密院自行至涉邊事則三

省聚議為所陳朝廷大體言行錄地大資點與樞密周公呈本院事上曰適來一二

事卿等各陳所見甚關朝廷大體公復奏曰臣蒙陛下擢用日愧素餐疊蒙聖訓敢不竭股肱之力

### 爭事

### 不失和氣

王巖叟編韓魏公別錄公在慶歷中與希文彥國同在西府上前爭事議論各別下殿各

不失和氣如未嘗爭也當時相善三人正如院在中書  
推車子蓋其心主於車可行而已不為己也

之西

續會要國初循唐制即中書之北置  
樞密院元豐改制遂變於中書之西

樞密使

五代置樞密使國初因之詳見樞密院門本朝  
建隆三年以樞密副使兵部侍郎趙普為檢校

太保充樞密使不帶正官自善始也又以宣徽北院使  
李處耘為南院使兼樞密副使自五代以來凡樞密院  
官皆文武參用大中祥符七年以王嗣宗曹利用並為  
檢校太保充樞密副使亦不帶正官開寶九年以曹彬  
為樞密使領中武軍節度使帶節度自此始也至道三  
年以鎮海軍節度曹彬兼侍中充樞密使彬自節鎮入  
罷旄鉞太平興國六年以樞密副使石熙載為戶部尚  
書充樞密事以文資正官充使自此始也大中祥符五  
年以知樞密院王欽若陳堯叟同中書門下平章事充  
樞密使儒臣為樞使兼使相自此始也皇祐五年以制

樞密使高若訥為尚書左丞觀文殿學士兼翰林侍讀學士同羣牧制置使故事罷樞密使當學士院降麻及若訥罷但令舍人草詞遂以為例會要元豐官制行罷使副會要紹興七年詔宥密本兵之地事權宜重可依故事置樞密使副使閏月詔宰臣兼使同月詔樞使立班序並依宰相例中興會要乾道五年以虞允文為樞密使立班思數並依宰相孝宗會要

### 歷代事實密地

後唐張居翰為樞密使云云時居翰在密地

### 機密之任

孔六帖安

重誨為樞密使在位六年以佐命功臣處機密之地事無大小皆所參決

### 盡忠規

郭崇韜既

權兼內外謀猷獻納必盡忠規士族朝論亦頗收獎人物內外翕然稱之

### 參謀義

郭崇韜安

重誨傳梁之崇政使乃唐樞密之職蓋出納之任也至梁始用士人其備顧問參謀義于中則有之未始專行



事於外也至崇禎重梅為之始復唐樞密之名然權倖宰相矣後世因之遂分為二文事任宰相武事任樞密

**以內制外**

周太祖之將鎮鄴也蘇逢吉請落樞密使曰樞密之任方鎮帶之非使史洪肇曰兼帶樞

密所冀諸軍凍畏達吉曰此國家之事也且以內制外則順以外制內豈但便耶事雖不從物議多之

**度寢理**

晉復置樞密院以桑維翰為使事無巨細一以委之數月之間百度寢理

**皇朝事實首樞**

文公集答宋庠表召置首樞付畀大柄

**位冠中樞**

溫公除文彥博

制乃位冠中樞

**號稱二府**

會要樞密使國朝首命趙韓王普為號稱二府禮遇無間每朝奏事於中

書先後上所言兩不相知祖宗亦賴此以間異同用分宰相之權

**總領星樞**

王禹偁集王隨制自

贊襄於衮職宜總領於星樞

**冠聯樞省**

同上賜曾公亮詔宜冠聯於樞省

**樞宥之冠**

蘇魏公集賜孫固契丹使謂得人王德用武臣也仁宗朝再入樞府為使是

詔位登樞宥之冠契丹使謂得人時富弼偕契丹使來德用伴謝使者曰天子以公與樞密而用富公為相可謂得人矣天下望為

宰相田况拜樞密使天下顯公朝宣麻續翰林志舊例樞密使未帶使

相省不宣麻至周太祖初潛歷試是任乃宣制於公朝今之宣麻自周太祖始東院行印會要後唐

樞密使凡東西院二員國朝典掌萬機太平興國八年王顯充樞密使

亦二院西院但行東院印上召謂曰卿代非儒門必寡學問今在朕左右典掌萬

機固無暇博覽羣書命左右取軍戒三編賜之曰讀此則可免修紀網除弊事言行錄曾魯國宣靖公公亮字

面墻矣明仲拜樞密使公在政府修紀網除弊事數裁損冗兵又更制圖籍以周知四方兵數登耗三路屯戍衆寡地理遠近號令賞罰

**明審**

妻攻媿集王文定公淮拜樞密使公在右府憂邊思職動中機會江西賴文政柳冠陳峒李接之變

淮陰劫冠等公應酌羽書號令賞罰明審平當上亦稱其毫釐不差樞密錢良臣語公曰近郭隸常云蒙宣諭

王樞使在西府數年不曾錯了一事**休兵冗裕邊儲**言行錄願頡公藉為

之弊多而國用困竭於是大加簡閱揀放為民者六萬餘人減其衣糧之半者二萬餘人邊儲由是稍蘇焉

**論事合上意**

言行錄曹武惠王彬太祖密論天下事無不合上意而公堂會議如不能言太祖亦

所器重在宥密常公服危坐如對君父接小吏亦以禮未嘗以名呼歸私第唯閉閣宴居不妄通賓客五鼓纔

罷已待漏於禁門矣雖霜雪**宣撫惟卿可**言行錄周文忠公必大除

不易其操如此者凡八年**卿等宜一心**錄韓有邊事宜撫使惟卿可他人不能也

斬王世忠除樞密使上謂世忠曰朕付卿等以樞府本  
兵之權甚大卿等合宜一心勿分彼此則兵力全而莫  
之能禦顧如烏珠東都事畧杜衍傳慶歷  
者又何足掃除乎三年為樞密使范仲淹

出行門下時為參知政事數爭事節度充  
上前衍無愠色而仲淹益服敬之會要至道三

海軍節度使曹彬兼侍中充樞密使彬自節鎮入罷茲  
錢咸平二年王顯自橫海軍節度召入充使亦罷節

帶檢校春明退朝錄文臣為樞密使皆帶檢校太尉太  
密使不帶檢校傅兼本官乾道元年錢文禧以兵部尚書為樞

官有司之失也制  
帶節度見官

樞密副使官制  
見前

皇朝事實有宰輔才長編諫官歐陽修余靖蔡襄咸言  
樞密副使范仲淹有宰輔才不宜

局在兵庭上從其請以仲淹參知政事

### 有公輔器

言行錄韓忠獻王琦初罷相上問誰可以為執

政者公力薦韓絳忠直有公輔之器上遂用為樞密副使既而有排毀絳者上曰韓琦之去惟薦此人朕豈可

### 連士民相慶

言行錄正獻公呂公著拜樞密副使初自河陽入朝都人環觀相謂曰此公還朝百

姓之幸也至是士民相慶既受命出殿門武夫衛卒皆歡忭咨嘆

### 衛卒歡忭

見上

### 持法

### 守正

言行錄王文忠公堯臣為樞密副使持法守正以身任天下事凡濫恩律請隨其身其事可損損之

可絕絕之至其大者皆著為定令在位六年廢職修舉皆有條理

### 廷辨轉運之殊

言行錄李

繼隆與轉運使盧之翰有隙遂奏轉運乏軍興太宗怒召中使付三函令取之翰及某人首丞相呂端不敢言

樞密副使錢若水爭之請先驗有狀然後行法上大怒拂衣起入禁中二府皆罷若水獨留庭中上既食又之

使人偵視庭中有何人報云有細瘦而長者尚立馬上  
出語之曰朕所以擢任以爾為賢爾乃不才如是耶高  
留此安俟對曰陛下不知臣無狀使得待罪二府臣當  
不避死亡以報厚恩李繼隆外戚貴重莫比今陛下據  
其一幅奏書誅三轉運使雖有罪天下何由知之鞠驗  
事狀明白加誅何晚焉上意解乃召呂端等奏請如若  
水議先令責狀三人

### 奏事盡言

長編韓琦為樞密副使  
兩府合班奏事琦必盡

言雖屬中書琦亦對上陳其實同  
列尤不悅上獨識之曰韓琦性直

### 上當世務十餘條

言

錄富弼除樞副仁宗責成於公開天章閣給筆札使書  
其所欲為達中使二人更督之公主北事上當世之務  
十餘條又自上河北守邊十三策大畧以進賢退不肖  
止僥倖去宿弊為本欲漸易諸路監司之不才者使澄  
汰所部吏於是  
**考天下兵數**  
言行錄歐陽公修為樞密  
小人始不悅矣  
副使公在兵府與曾魯公

考天下兵數及三路屯戍多少地理遠近更為圖籍凡邊防久闕屯戍者必加蒐補以清節擢

倫為隨軍轉運使入成都獨居僧寺蔬食偽蜀有以珍寶為獻者皆却之東歸饒圖書數卷上聞其清節擢為

樞密副使論差役害農之弊言行錄韓絳遷樞密副使神宗問天下遺利公對求遺利莫若

盡地力退具疏以謂害農之弊莫甚於差役請委侍從臺諫集議宰相兼樞密使

魏仁浦以宰相兼樞密使後罷慶曆二年西方用兵富弼言邊事保國安危不當專委樞密使宰相兼領於是

以宰相呂夷簡判樞密院事章得象兼樞密使王舉正言二府均體總制之名太重亦改夷簡兼樞密事五年

從賈昌朝陳執中之言罷樞密使以邊事寧故也建炎四年以宰相范宗尹兼知樞密院罷御營以其事歸樞

密院機速房自慶曆後宰相不兼樞密者八十餘年其復兼自此始中興會要紹興七年復令宰臣張浚兼樞

密使趙鼎秦檜亦以左右僕射兼二十五年檜薨明年詔曰比緣軍興令宰相兼樞密事與掌機務今邊事已定可依祖宗故事更不兼領中興會要三十二年孝宗即位參政史浩論樞密合使宰相兼使事因引富弼對仁宗故事上曰正合朕見詔宰相兼使事因引富弼對舊兼樞密使孝宗會要淳熙間省

### 皇朝事實樞相

國朝會要樞密使帶相即為樞相自後唐始

### 儒臣兼

會要大中祥符

五年以王欽若陳堯叟檢校太傅同中書門下平章事充樞密使兼使相自王欽若充樞密使等始

### 中書

判揮塵錄慶曆二年二邊用兵富文忠公言邊事係國安危國初范質王溥以宰相兼參知樞密事今兵與

宜令宰相兼領仁宗然之令中書同議樞密院事呂許公時為首相以內降納上前曰恐樞密院謂臣奪權時諫官亦論中書宜知兵事遂降制以宰相兼判建炎兼或曰二府體均判事太重於是復改為樞密使



知見官制又會要紹興二十六年五月罷兼樞密院

史浩論兼

見官制

中書同議

慶歷二年上曰樞密非古官未欲遽改止令中書同議樞密院事

數建利害

東都事畧晏殊傳仁宗親

政拜殊樞密使加同平章事自殊復召用而趙元昊反師出陝西天下蹙於兵殊數建利害請罷監軍兼以陣

為出入之要皆有法仁宗急施行之

名賢詩詞遂長樞府

石但徠慶歷聖德詩惟仲淹獨一夔一契天寶賚予予其敢怒日衍

汝行汝子黃髮遂長樞府兵政無踈予早識琦琦有奇骨可屬大事重厚如勃

知樞密院

晉天福初桑維翰以翰林學士尚書兼禮部侍郎知樞密院事知院之名始自此分本朝

國初不置淳化二年樞使王顯出鎮始以張遜知樞密院事續會要知樞密院同知院正二品知院掌佐天子

執兵政而同知院為知副凡邊防軍務常與三省分班  
稟奏事于體要則宰相執政官合奏神宗正史職官志  
元豐官制行廢樞使政和末節莘  
公官正至少保猶止為知密院焉

### 皇朝事實鴻樞之長

李綱傳信錄公以右丞相被命樞  
筦奏云伏蒙聖恩除知樞密院事

以鴻樞之長專統兵機宜得  
魁奇英偉之人以居其任

### 總鴻樞

司馬溫公集  
詔宜總鴻樞

### 典機

### 務

續會要樞使知院典機務掌  
兵政出納密命以佐邦治

### 統兵機

見鴻樞  
之長注

### 執兵政

續會要知院掌佐天子  
執兵政而同知為之貳

### 掌兵籍虎符

李綱傳信錄除知  
樞密院奏云祖宗

之法樞密院事掌兵籍虎符三衙管軍諸路帥臣主  
兵柄各有分守所以維持軍政萬世不易之法也

### 周

### 知世務

東都事畧李諮傳諮字仲詢諡憲成為知樞密  
院事諮性明達周知世務處劇若閒暇在樞府

為稱職

同知樞密院

五代有參知樞密院事詳見樞密院本朝國初闕淳化三年王顯出鎮張遜知樞密

院事始以溫仲舒準寇同知院同知之名自此始也會要元豐官制行廢使副存同知職源紹興中高宗以本兵之地事權宜重依祖宗故事置樞密使而知院同知院亦仍舊由是並除朝野雜記

歷代事實范王參

知周顯德六年命司徒平章范質禮部尚書王溥並參知樞密院

皇朝事實就翊洪樞

元祐中趙瞻拜同知院事制贊一人之休必資者德樞萬兵之本爰

賴舊臣盖知其要者可以應務而不窮久於事者可以臨機而不惑云云宜煩故老就翊洪樞叶宣機

政

歐陽集賜程戡詔云云

預議樞衡

蘇魏公集賜同知樞密趙瞻批答云預議樞衡又云自

基宥屢告謀狀慶歷初元吳納款逆召韓琦范仲淹**士夫相賀**為樞密副使天下聞之士夫皆酌酒

相賀曰上用韓琦范仲淹非趙丞相汝愚始**宗室除用**除同知院力辭

引高宗聖訓宗室用至侍從即止之語壽皇召學士可

答詔諭以紹興聖訓用折秦檜陰謀蓋有為而言也

**托腹心**東都事畧呂公著傳公著復同知樞密院事神宗手詔曰顧在廷之人有可以托中外腹心之

寄均皇家休戚之重無東都事畧向文簡公**專主謀議**敏中同知樞密院明

適卿者可亟起視事敏中同知樞密院明**言內**

辨有材畧處事敏速樞機之任專主謀議時西北言內

用兵至於二邊道路斥候走集之所莫不周知言內

**治外攘**言行錄張忠定公燾字子公孝宗受禪召除同知樞密院事問為治之要公言內治乃可外攘

願詔百執事赴都督省給札條具上大喜**知諸將能否**

於士大夫欲言不能自達者織悉聞矣

欽定四庫全書

翰苑新書前集

十一

晦菴集劉忠肅公琪字共父乾道三年擢同知樞密院公以本兵柄于諸將之能否不可以不周知乃自諸管軍統制官下至裨佐日召三數人與語謂人才權衡通

得其材用

所宜輒筆識之以待選用

語

謂人才權衡

通

命端明殿學士呂公著同知樞密院使公著好士出於天性士大夫有以人物為意者必問其所知所聞參覈以待上求上常謂輔臣曰公著之于修時政紀

孝宗會

院時政紀編修官

剛潤同知院事修

自外郎為歸田錄向敏中自員外郎為諫議知樞密院止百餘

日

自敘收之桑榆

東都事畧呂公著傳拜同知樞密院事公著謝因奏曰臣老於閒外蒙陛下

之桑榆唯知拳拳  
納忠以報恩遇

# 簽書樞密院

本朝太平興國四年石熙載元懿公以樞密直學士簽書院事簽書之名自此始也

八年張齊賢王沔並以右諫議大夫簽書樞密事端拱元年以內客省使楊守一為宣徽北院使簽書密院事景德三年韓崇訓檢校太傅馬知節為檢校太保並簽書樞密院事天禧四年以華州觀察使曹瑋為宣徽北院使鎮國軍留後簽書樞密院事簽書兼藩鎮自此始也會要元豐官制行使副簽書悉罷元祐初復置簽書樞密院事神宗正史職官志初除皆帶密直及罷政乃拜端明殿學士王彥林劉冲馮靖康初李回首拜廷康殿學士簽書廷康今為端明自是遂為故事朝野雜記

# 皇朝事實為使之貳

續會要簽書無正員為使之貳

# 訪以邊事

東都事畧馮拯

傳拯簽書樞密院真宗訪以邊事拯以謂備邊之要當須扼襟喉據險隘以制敵之衝若於保州威狄間依徐

河以布陳表程其勢足以決勝

建中興十義

言行錄權邦彥字朝美紹興間公在樞筦知無不言

言無不盡謂宜乘機者三又建中興十義

用人當察邪正

言行錄王巖叟元祐六年拜簽書樞

密院事申謝延和太皇太后諭曰知卿材望故不火進用公遜謝而進曰願陛下用人之際更加審察邪正難

辨辨之少差亂治所係正人在朝則朝廷安邪人一進則朝廷更有不安之象二聖深然之

以密學

充春明退朝錄太平興國四年石元

以檢校為

同上景德三年

馬正惠以檢校太傅韓公崇訓以檢校太保並簽書樞密院事又王德用字元輔累任拜檢校太保簽書樞密

院事兼藩鎮國朝天禧四年以曹瑋為宣徽北院使鎮國軍留後簽書樞密院事簽書兼藩鎮自此始

也

同簽書

本朝樞密院舊制無同簽書樞密院事者治平中始以郭達為之神宗正史職官志又職源云

簽書大抵以處資淺之人若簽書一經親祠方  
進同知及樞副若武臣擢預國政只除同簽書

皇朝事實以諫議同

春明退朝錄太平興國八年張司空齊賢王公沔並以諫議大夫同

簽書樞密院事以宣徽為  
同治平二年令郭達以宣徽為同簽書樞密院事

四六警語

西府 右府 宥府 機庭 首樞  
紫樞 洪樞 斗樞 樞筦 元樞

發端

置使樞庭 疏恩宸陛 丹宸踞榮 顯席紫樞  
櫻班宰路 冠位機庭 紫樞冠位 均茵黃閣

誕敷龍檢 並樞使知院用

登延駸望 誕敷論制  
登冠鴻樞 翊贊鴻樞 進貳樞庭

召還外服 擢用儒宗 出綸中禁 顯膺宸綍  
進貳中樞 參持樞筦 進位副樞 光副元樞



並副使同知用

疇咨正人  
晉戴樞府

渙命親臣  
晉陪宥府

渙寵九天  
升華兩地

榮陞端殿  
簽贊宥庭

渙發明倫  
峻躋宥地

並簽書同簽用

起睽

聖賢相逢方更張於萬化  
文武並用肆兼總於五兵

國於天地誰能去於五兵  
儒在朝廷惟重起於九鼎

聽履星辰之上夙已渙於冰銜  
運籌帷幄之中今甫睽於斗極

奠枕神京方干戈之載戢  
運籌帷幄始文武之兼資

天子守在四夷允底修文之盛  
公輔間於兩社允資同德之良

樞機右府實應象於魁三  
宥密大臣同去天之尺五

當國家閉暇之時預嚴武事  
典夙夜宥密之命允屬宰工

思疏丹宸崇右府以登賢  
位直紫樞拱北辰而經武

朝廷輕重以相期人當佐轄之虛  
天下安危在邊上尤遵西樞之寄

道德之威成安強有常立武  
股肱之寄在忠力無兢維人

有德進朝廷益尊已惕威靈之愴  
真儒用天下無敵韋嚴宥密之權

網繆牖戶及國家閒暇之時  
典領樞機基夙夜宥密之命

屬軍容以作介冑之心  
修戎索以寒虜襲之膽

### 警聯

邊鄙不搖久矣釋甲兵之問  
國家多暇儼然信道德之威

三軍五兵德之末也非以煩公  
一日萬機人其代之是資佐聖

邊瑣用知險要悉嚴於先備  
帷籌素協精神自折於遐衝

執政二三股肱夙柄斗樞之象  
胸蟠十萬兵甲獨高帷幄之籌

天子守在四夷式端兵本  
公輔間於兩社專領使權

有富文忠之遠畧而契丹之和乃定  
有麗莊敏之長筭而元昊之款遂堅

叔教在位而郢人投兵  
范公立朝而西羌破膽

帷幄決勝千里運籌專倚於子房  
文武為憲萬邦受祉孰先於吉甫

惟吉士勤相我國家  
用真儒無敵於天下

求懿德而肆時夏方永保於橐弓  
惟吉士以相我家乃獨廬於院事

少殫夙夜宥密之勤  
旋叔乾坤清夷之效

舉卑陶不仁者遠復何損夏之虞  
用仲尼侵疆自歸奚俟萊兵之舉

士夫交賀而酌酒  
豪酋相戒於開邊

唐元獻文雅雍容名動寶元之世  
曾宣靖典章明習聲蜚嘉祐之間

道德之威成安強  
股肱之寄在忠力  
早倚弼諧之助  
進登宥密之司

班密亞於上台  
有君子然後能國  
權實專於右府  
惟儒者可以言兵

合文武以兼資  
肆籌體國之勲  
佩安危而注意  
晉貳本兵之柄

精神折千里之衝  
夙夜贊萬機之務

結聯

用真儒而無敵敢慶熙朝  
頌聖主之得賢敢裁弱素

金鉦黃鉞備陳西府之多儀  
袞衣繡裳正上公之虛席

提虎旅以申中國之威會鞭笞於羣狄  
由龍首而踐黃扉之地當跨越於諸侯

翰苑新書前集卷五

欽定四庫全書

翰苑新書前集卷六

宰屬

檢正  
左右司

檢正 國朝熙寧三年詔中書五房各置檢正二員在堂  
後官之上都檢正一員在五房提點之上皆以士  
人為之石林燕語元豐五年官制行罷檢正職務分歸  
中書舍人給事中左右司郎官續會要建炎三年都省  
書軍興以來天下多事缺差官兩員充中書門下省檢  
正諸房公事一員檢正吏禮兵房一員檢正戶刑工房  
位序左右司上於都堂置直舍從之四年罷紹興二年  
詔復置一員紹興三年孝宗已即位未改元詔尚書省  
吏房兵房三省樞密機速房尚書省刑房戶房工房三  
省樞密院看詳賞功房尚書省禮房令左右司分房書

擬其中書門下諸房令檢正書擬中興會要乾道八年  
詔都承檢正左右司檢詳編修每日通輪宿直孝宗會  
要

皇朝事實宰士

淇水除范鍾制爾為宰士考按詳當所補滋多

宰旅宰掾

並職

博覽古今

東都事畧沈括字在中博覽於書無所不通熙寧間除太子中允為檢正中書刑房公事

進文嘉覽

國史鄭潤甫字溫伯為檢正中書戶房公事詔取所進文上覽而嘉之遷集賢檢理直舍

人執筆記聖語

九朝通畧神宗開天章閣對輔臣呈官制除目詔中書檢正官聞王震江陵吳

雍執筆入記聖語面授震左司員外郎使自書時論榮之

以士人為

見官制

得第一等

才

實錄初議中書置屬神宗以為必不能得第一等人  
才王安石曰中書屬官須精擇可以備臺諫侍從者

除御史

言行錄劉忠肅公贊字華老王荆公初秉政搜  
擇人才任以不次元公絳數以公為言荆公一

見遂器重焉擢為中書檢正居月餘  
熙熙非所好會除御史欣然就職

通知省政

龍溪除  
傅崧卿

制宰士止於中臺之屬不與聞命令之原故又置檢正  
以通知三省之政汝其摘過差以裨國論程期會以檢

吏姦糾正負務

四朝志檢正官五房  
各一人掌糾正負務

政事所出

紹興除  
陳夔檢

正制檢正之制自我  
神祖二省政事所出

中書備對

續會要大觀中李夔奏  
元豐間神宗命檢正官

單仲衍纂集內外事物綱目為中書備對以知官吏流  
品戶口錢穀之數以知禮法文物軍兵名額之數以知

刑罰赦宥之事夫役之  
數小大精粗無乎不備

功過簿

孝宗會要載臣寮疏熙  
寧中初置檢正五房公

事官一負每房各置檢正官二負書功  
過簿以核羣吏之失其程督之嚴如此



左右司

隋尚書都司置左右司郎中各一人掌都省之職通典唐武德省貞觀復置掌副左右丞所管

諸司事二十四曹呼左右司為都公國史補龍朔改為左右丞務威亨中復為左右司郎中武后天增負外郎各一人永昌二年置神龍初省後復置國朝以為階官元豐正名始實有職掌左右司郎中各一人左右司負外郎各一人中興題名記號為都司亦曰左右曹馬職畧隆興二年詔左司書擬吏戶禮機速房右司書兵刑工賞功房文字會要後以右司掌刑房事任為劇乃置二負中興題名記元豐六年諸司置御史房主行彈劾御史案察失職七年御史房置簿以書御史六曹官糾勅之多寡當否為殿最紹聖初詔都司以歲終點檢六曹稽違太多者具姓名取旨二年詔御史臺察六曹稽緩違失者送左司記定

歷代事實台佐

褚球字仲寶為司徒右長史加貂台佐加貂始自球文辭白敏中字用晦

為左司 負外郎 武宗雅聞 白居易名欲召用之 是時居易病足 宰相李德裕薦敏中 敏中類其凡而有器識

**名節**

箕陟字殷卿 為左司郎 節勵志獨立 隋滑儀為右司中 陟少自砥礪 著名節 郎中于時政漸

濁亂 貨賂公行 士夫變節 精簡得人 劉洎上疏曰 尚書而儀勵志守常 介然獨立 萬機乃為政本 比

者 綱維不舉 並為勲親 在位品非其任 功勢相傾 將救茲弊 且宜精簡 四負左右 丞左右司郎中 如並得人 自

然 綱維一舉 詳整任職 武元衡字伯蒼 為左掄選有序 九國

王潛為左司郎中 典選事 時喪亂之後 官失其守 舊簿湮沒 雍容故接 坐客常滿 隨才而接 人人自以為得徐

知 詰相吳掄選 詳整稱重 武元衡遷左司郎中 彌綸省

聞 箕陟字殷卿 歷右司 毘佐三台 虞邵漢官制 大尉司郎中 彌綸省 聞 徒司空長史 秩比千

石號為毘佐三  
台助和鼎味

為丞之貳

六典左右司掌付諸司之務  
舉稽違署符自知宿直為丞

之副左丞轄諸司

唐職官志左司郎中副左丞轄諸司  
署錄自勅稽失知省內宿直之事

正邦理宣邦教

六典左右司郎中負外郎各一掌付十  
有二司之事以舉正稽違九都省掌舉

諸司之綱紀與百察之程  
式以正邦理以宣邦教

總繫司承要務

張鷟勅左司  
郎中許鑑云

位膺列宿爵館通班總八  
座之繫司承萬機之要務

掌機衡握樞典

張鷟集勅左  
司郎中云鑄

鑄會府掌北斗之機衡肅  
肅禮閣握南宮之樞典

喉舌

崔寔政論三公天子之  
股肱祿屬則三公之喉

舌

皇朝事實臺轄

許公集左司負外郎授司門  
制云宜罷臺轄更司門戶

宰屬

淳熙  
制因

家即位以來百司紀綱日失其序詔令稽壅  
吏嬗不度思得時髦之英任吾臺轄之職  
**都曹**續通鑑寶

歷二年左司宇文鼎奏判度支  
胡征曰臣謬跡都曹職當綜覈  
**受付六曹**四朝志左右司掌受付六

曹之事而舉正  
文書之稽失  
**左治右治**會要左司郎中右司郎中各一人正六品左司負外郎右

司負外郎從六品掌受付六曹諸司出納之事而舉正  
其稽失分治省事左司治吏戶禮奏鈔班簿房右司治

兵刑工案鈔房而開折制置御史  
催驅封樁知雜印房則通治之  
**較六曹功過**續會要宣和二

年臣察疏神考肇建中臺分六官而設之屬以御史糾  
其稽違復令都司較其功過又令左右司歲考六曹郎

官治狀以功過對折分等惟三而  
上下等又有優劣次年春申省  
**事無不預**四朝志宣和六年左

司王蕃奏都司以彌縫省司為職事無不預今宰相入  
省諸房文字填委次第具呈其勢不暇一一檢閱細故

而省吏往稟宰丞請筆以草檢令丞從官齋赴郎官廳  
落日押字請依元豐崇寧舊法諸房各具簽帖先都事  
以點檢次郎官押訖赴宰丞請筆行下於是詔自今  
違法事其左右司官勿書具事舉劾情重者竄責

學

為宰相

會要紹興十三年三省進擬右司郎中上謂輔  
臣曰神宗聖訓司官便是學為宰相豈可不謹

擇數曾布之過

丁未錄陳瓘為右司員外郎以書獻曾  
布曰尊私吏而凌宗廟緣邊費而壞先

政皆閣下之過也布讀之大怒辨論移時瓘指事叙言  
辭色不撓堂吏比肩竦觀又以日錄下國用須知繳申  
三省遂出言頤浩不平

繫年錄紹興三年時方審量濫  
賞以左右司領之呂頤浩當國

知秦州

時有縱舍右司員外郎王岡輒持不可曰公秉國鈞於  
天下其瞻之地不平謂何怨始有所歸矣頤浩矍然

責宰相不當用說

楊誠齋集張斌字敬夫除右司員外  
郎知閤門事張說除簽書斌夜草手

疏極言其不可且詣宰相質責之宰相慙憤不堪而上  
獨不以為忤親批疏尾付宰相使諭旨拭復奏上意感  
悟命得中寢時兼與執政共決可否四朝國史劉贊傳  
侍講得入經筵

屬每於執政分廳時請間白事多持兩端遷右司郎中初宰  
自書除目哲

實錄王震字子發元豐四年開天章閣初用官制大除  
拜詔震與吳雍從輔臣執筆入記聖語面授左司負外  
郎直使自書除楊誠齋集葉顥除右司時  
目時論榮之孝宗初即位欲清中書之

務增宰士之負公膺首選遷左司一日帝召諫官曰葉  
顥在都司二年甚宣力然與宰相為朋黨諫官對曰臣  
不識葉顥聞之公論不然因具陳公求外補意帝默然  
良久曰非卿則朕死以知此人越翌日除吏部侍郎兼  
權給出使河北會要元豐六年七月左司郎中范雍直  
龍圖閣河北轉運使都司出使除職自

此始元祐元年范子奇范純粹自左右司出為使京東轉運皆用雍例直龍圖閣

羣書精語左曹

曲阜除揚安國制曰參訂左曹范純禮制曰董正左曹

綱紀之地

南豐擬制尚書政本左右司綱紀之地故郎選異於諸曹

中臺都事

曲阜除張康國等制曰中臺都

事主以郎吏非獨付受書奏亦以助正紀綱

右曹

曲阜除裴倫制曰參訂右曹

分治六官

事

樂城除孫覺制都司分治六官事無巨細畢陳于前若綱在綱振之則舉弛之則廢

習知故事

曲阜行范純禮左司郎中制董正左曹宜莫如汝又云都司紀綱之地非習知臺閣故事不在茲選

四六警語

宰士

宰振

檢正

都曹

臺轄

左右司

發端

躡寵屣宸

簡在宸衷

欽承上命

陸華二省

檢正

被命中宸  
分司都省

龍冠郎曹  
職參摺路

妙簡儒宗  
進升宰掾

顯膺宸綽

左右司

進陟都司

起睽

鈞陶在相必左右之惟人  
董正治官宜分申之有命

西清禁密將榮禁路之登  
北省幾微寔預化原之出

六卿分職之司久勞協助  
一相調元之地更賴深禪

懷瑾握瑜久重聖心之眷  
調元助鼎首膺宰屬之除

職陪右轄嘗禪妙筭之權  
序進左司益表朝行之峻

經綸萬務方參倚於輔臣  
紀綱六曹乃延登於宰士



# 警聒

一日萬機正賴叶毗之力  
百司庶府尤資考覈之權

相臣之位元台時嚴率屬

郎官之應列宿職重分司

督期會而檢吏姦特疏龍檢之思

糾愆遺而裨國是首列鳳池之屬

審政機之攸出舉正都臺之程式

稽治式之已成參稽列部之紀綱

覆中臺之綱紀熙寧創制之新

裨上衮之經綸丞相簡僚之重

國事咸資於整飭職居宰掾之尊

相權實賴於彌縫位冠郎闈之首

矧久重於左曹三公在朝必藉彌縫之益

每序升於亞旅六卿分職尤資糾劾之嚴

謂部公分聽皆六聯治職之已成

而宰士通知實二省政機之攸出

智識高遠則帝謨有助於恢張  
議論宏深則國論尤資於審訂

文昌叢委得以糾於稽違  
禁閫屢疑式許參於議論

冢宰掌邦而率屬左右惟人  
賢能引類以聚朝分申有命

武元衡之詳正旋總憲臺  
白敏中之文詞徑躋翰苑

### 結聯

紛萬務之幾微暫煩董正  
增六符之炳煥行拜寵光

間郵傳命喜切扞於六鰲  
助鼎調脠嘗顧分於一鬻

自右而左暫煩黃閣之贊謀  
躡級以登即聽紫樞之布武

簡在上心允謂陳平之可助  
學為宰相佇膺文子之同升

樞屬

都副承旨  
編修官

檢詳

都副承旨

五代有承旨副承旨以諸衛將軍充國朝太平興國中以楊守一充都承旨都承旨自守

一始也是時都承旨副承旨多用士人真宗後稍遂用  
吏人歐陽脩建言請復舊制不充行熙寧三年始以東  
上閣門使李評為樞密都承旨李綬為之副不用院吏  
而更用士人自評始也續會要初評受命文潞公為樞  
使以舊制見不為禮評訴於上命檢故事不獲乃詔都  
承旨副承旨見樞密使副並如閣門使禮熙寧五年以  
尚書比部員外郎曾孝寬充史館修撰兼都承旨文館  
兼領自孝寬始也元豐三年用張誠一為客省使都承  
旨自是都承旨復用武臣續會要元祐中復以文臣帶  
待制充都承旨哲宗職官志至崇寧以後則專用武臣  
矣四朝志紹興二年權禮部侍郎趙子畫充徽猷閣待  
制密院都承旨自改官制後除大臣自子畫始中興繫

年錄建炎四年高宗在會稽以武臣辛道宗為都承旨  
頗用事紹興元年十二月辛道宗既免乃詔依元祐職  
制置都承旨一員並差兩制為之中興會要然但闕一  
二人而已淳熙中王抃久用事孝宗惡焉遂復用士人  
歷代事實口占兵數五代史魏仁溥為樞密副承旨周  
祖問屯兵之數及將校名氏命取

薄參視之仁溥曰臣急能記之遂  
口占而跪舉籍以授一無差誤

皇朝事實領院務

四朝志都承旨副都承旨掌承宣密  
命通領院務若使殿侍立閱試禁衛

兵校則隨事敷奏承  
所得旨以授有司

左右參總

淇水除張誠一制右府  
管天下機務而承旨左

右參總焉侍立受讀

會要每崇政殿臨決庶務則承旨侍立  
殿前侍衛司奏事則承旨受而讀之

檢察功過

神宗正史職官志都承旨從五品副承旨正  
六品通領院務及承百司之事檢察主事以

下功過而陞黜之九御崇政廷和殿則陞以侍立若禁衛兵校試技藝及蕃國入見則隨事敷奏所得旨以受

有言邊防民隱

周益公集洪文安遵蕙權樞密院都承旨公既以近臣蕙承密旨言邊防民隱

每為上言三衙春夏牧馬夏孤城仰給蘇湖秀三州適積水冒田有司預請倍輸夏麥以補芻粟北寇索劉孝恭等二百家公皆執不可軍器玩弊命公料簡公區別良窳衆謂熟於軍旅者不能也上以是有大用意

義問勿傲功

言行錄王巖叟字彥林為樞密都承旨湖北諸蠻互出擾邊公請專以疆事委荆南

唐義問遂以草檄文喻義問以朝廷方敦尚恩信勿為傲倖功賞之意其後終底綏寧

言羣臣誠

偽蕭正肅

列知閩官兼承旨或怙寵招權孝宗思復用儒臣淳熙九年正月命公以龍圖閣待制為之公

言偵帥餘風未殄羣臣進言非迎合厭諛則強辨邀譽當察誠偽虛實上稱善

始用士人文館

兼領

並見官制

正人宜留朝廷

言行錄劉安世作都承旨待制范相純仁之出由安世章

疏已而復拜呂相大防遂擬安世真宗宣仁難之呂云劉安世曾言范純仁今既復用宜少避之宣仁曰今既不作言事官自不相妨其後樞密院奏事宣仁申前語韓師朴忠彥如呂之對宣仁曰如此正人宜且留朝廷

羣書精語宣密命

曲阜除范純禮制宣納密命

親承密旨

曲阜除曹誘制樞機

之地親承密旨雖在副介亦須得人

贊訐謨

曲阜除范純禮制云贊右府訐謨之微

陪帷幄

曲阜除劉奉臣制陪輔帷幄以承密旨

檢詳

熙寧四年詔以編修經武要畧官四人王存陳侗陳奉世蘇洵檢詳樞密院諸房文字禮遇視中書

檢正官元豐三年詔定置三員及改官制檢詳官尋罷  
續會要建炎三年樞密院請依祖宗朝置檢詳諸房文  
字兩員叙位在左右司之下紹興二年詔樞密院已置  
都承旨一員檢詳減一員樞密請置二員從之中興會  
要三十二年詔樞密院諸房令檢詳書擬從左右司請  
也乾道二年詔樞密院檢詳係掌朝廷機要文字不許  
出謁及接見賓客亦令遵  
兩省官施行孝宗會要

皇朝事實樞掾

實錄熙寧五年詔檢詳文字劉安世自  
擢置樞掾奉職不苟可除集賢校理

右府覈事

淇水除范育制右府典領樞  
機而設屬於其下以覈其事  
造屬幄籌慶元制

撰書詔榜檄

洪文敏公邁紹興三十一年充顏亮叛盟  
時任樞密院檢詳宰相傳旨令撰書詔榜

檄作大書劄榜

見密謀縛  
范瓊注

掌朝廷機要

見官  
密謀縛范

**瓊**

晦庵集劉子羽樞密院檢詳文字張魏公同知樞密

范瓊來赴行在張公奏瓊大逆不道獨與子羽密謀  
夜召子羽及選密院謹飭吏數人作文書劄榜皆閉鎖  
吏于府中翌早公赴都堂召瓊議事瓊徙兵隘塗巷意  
象自若坐定于羽亟取寫敕黃紙詣前揖瓊下曰有敕  
將軍宜詣大理置對命縛瓊送大理寺子羽已張榜于  
省門親以旨勞瓊衆頓刃應

**條義勇利害**

東都事畧

諾瓊論死兵分隸神武軍

樞密院史兵房文字令條義勇利害大忠言養兵狠衆  
國用日屈漢之屯田唐之府兵善法也弓箭手近于屯

田義勇近于府兵擇  
用一焉兵屯可省矣

**右選歸心**

樓攻塊集陳居仁自安  
行居屬關負方以著廷

名進擬上曰陳居仁今為何官對曰為郎上曰豈有人  
材如居仁而可父為郎者乎即除樞密檢詳文字貳樞  
不受私謁差遣恩例悉令投牒送檢詳所公為  
之考令申酌故實可否立決右選翕然歸心



編修

慶曆四年史館王洙承旨單士寧編修例冊編修之名自此始分紀熙寧三年以館職王存顧臨等

同編經武要畧兼刑定諸房例冊元祐四年詔密院條例久未編修又自官制復舊事隸他司所存者亦未刪正命承旨司取索編修以奉議郎蔡駟宣德郎衛規充編修官續會要舊以四員為額詔與兵興裁省其半三年樞密請置檢詳二員編修止存一員後復中興會要

皇朝事實編削之才

龍溪除張顯制爾以編削之才遊樞機之府

名震天下

周平園集胡忠簡公銓紹興兩官未歸母后春秋已高故與大臣決策從權獨樞密院編修官胡公銓上書數百言王倫秦檜孫近顧竚三人頭顱留北使與問罪之師當是時一胡編修名震天下勇者服怯者奮下至武夫悍卒避方喬土莫不傳誦其書樂道其姓字爭願識面雖北人亦因是知中國之不可輕扶世立教非聖朝

之伯夷耶

# 與聞朝論

隆興間臺諫言黃丈昌疏云編修官雖專以編錄本院時政記為職然既樞密

院官屬亦得與都承檢詳到宰執閣子與聞朝論

# 刪潤條法

中興會要紹興三年樞密院言本院

雖有編修官四員止是刪潤條法又裁省其半

# 刪潤時政

孝宗會要編修官張淵言樞密院時政紀

保本院諸房應降聖旨按月作時政記編修官刪潤近蒙朝廷止作錄送付下乞今後時政記止據憑錄送到

文字依舊按月修進從之

# 經武要畧

會要熙寧二年樞密院乞將祖宗以來法制所宜施行於久遠

者並與刪取大旨著為畫一及聖政釐革條章檢尋本院文書以次釐錄其事目曰兵制九招揀屯戍訓練之

類皆附焉曰馬政曰邊防曰夷狄曰屬國曰守城曰器械曰捕盜曰選材曰責劾各以其事類相從一如兵制

候編成策仍于逐門各留空紙以備書載編錄條例將來處置事件從之詔以經武要畧為名編錄條例朝

熙寧九年宣徽北院使王拱辰言本院前後降宣劄條例文字及逆旋聖旨指揮不可遺墜乞行編錄所貴朝廷故事永久可備檢用從之六月拱辰辟著作郎何詢直充編修官就本院置局十年八月編成條例并目二十五策上之十二月罷

**刪定例冊**

會要熙寧三年命著作佐郎館閣校勘王

存陳侗大理寺丞館閣校勘顧臨並差編修樞密院經武要畧刪定諸房例冊以樞密院副承旨李綬管勾至

九年秋修

**擇能臣次序**

臨川除周莘制樞密之府自祖單上之宗以來釋惠持危應變之大計

與夫將相議論之臣密謀要策皆具在此而文書貿亂者雜而無紀綱故擇能臣使次序之

**纂集兵**

**書**

中興繫年錄王銍權樞密院編修纂集祖宗兵制書成上覽之稱善命改京官賜名樞庭備檢

**兵學**

**條上十事**

國史顧臨傳臨編修樞密院經武要畧神宗召問以兵學臨對兵以仁義為本仁者愛人

義者循理動靜之機安  
危所繫也條上十事  
本院官兼者不入街  
四朝志編  
修官隨事

置无定負以本院  
官兼者不入街

四六警語

發端

疏思宸極  
導旨機廷

西清出綉  
宥府贊謀

承恩中宸  
列屬西樞

宸陞演綸  
機廷東屬

贊屬機廷  
密參基命

疏思丹宸  
晉掾紫樞

起聯

通班延閣  
列職機廷承夙夜宵密之命

演綸宸極英賢持重於選倫  
列職機廷夙夜進參於宥密

警聯

鴻樞遵旨既陟於近班  
鰲禁代言佇膺於新渥

職典編摩為朝家之高選  
地居周密亦機事之預聞

佐樞庭甲兵之問 增重本兵之地  
總宣頭綱要之繁 行躋持橐之班

佑廟堂甲兵之間 以右府重承於基命  
冰夙夜宥密之命 自裕陵特選於瑰才

贊帝命於壽惟夙夜出納  
亞官儀於從橐朝夕論思

結聯

從容計畫少禪廟筭之長  
密勿論思佇接禁連之武

贊紫樞之畫精神固可以折衝  
涉赤墀之塗獻納即膺於持橐

翰苑新書前集卷六

欽定四庫全書

翰苑新書前集卷七

給事中

給事中

秦加官漢因之所加或大夫博士議郎掌左右  
顧問應對位次中常侍侍中黃門諸給事中曰

上朝謁畢尚書奏事分為左右曹以有事殿中故曰給  
事多名儒國親為之東漢省魏復置後周天官之屬  
有給事之士六人掌理六經給事左右隋初無開皇  
六年始於吏部置給事郎煬帝移為門下之職位次黃  
門置負四人以省讀奏案唐改給事郎為給事中前代  
雖有給事中之名非今任也今之給事中蓋因秦之名  
用隋之職通典龍朔改門下省曰東臺東臺舍人垂拱  
改曰鸞臺開元曰黃門省凡百司奏抄侍中既審則駁

正違失詔勅不便者塗竄而奏還謂之塗歸六典季終  
奏駁正之目凡大事復奏小事署而頌之唐百官志三  
司詳決失中則給事中裁其輕重發驛遣使則與侍郎  
審其事宜六品以下奏擬則校功狀殿最行藝非其人  
則白侍郎而更馬與御史中書舍人聽天下冤滯而申  
理之分紀本朝淳化四年以右諫議大夫魏庠知制誥  
柴成務同知給事中事凡制勅有所不便宜準故事封  
駁九年詔停廢知給事封駁公事自是始以封駁司隸  
銀臺會要向敏中張詠並以樞密直學士領之時并代  
都部署張永德管小校至死詔按其罪張詠封還詔書  
不從李燾長編嘉祐五年改新知荆南府唐介復知諫  
院時知門下封駁事何剡言介為諫官有補朝廷不當  
出外以勅封還之故也會要元豐五年四月知諫院舒  
亶試給事中自是給事始正條為職事官續會要凡四  
人分治六房掌讀內外出納之事若政令有失當則論  
奏而駁正之通進司進奏院諫焉神宗正史職官志故

事中書進熟進草惟執政書押官制行給事中獨書畫  
黃而不得書草舒豈疑之神宗云造令行令職宜分別  
詔給事中許書畫黃不書草著為令元豐七年四月給  
事中韓忠彥言今月十八日門下省得旨舉駁事依中  
書舍人封還詞頭例二十一日中書奉旨給事中駁正  
事赴執政稟議如有異同即具狀繳奏臣詳指揮乃是  
不許依舍人封還例况朝廷已施行事給事中或有管  
見即是已與執政異同自當求決於上豈可更稟可否  
於執政乞依十八日詔所責兩省官輕重體均獲申獻  
納之分從之元祐元年門下中書言後省修成所有省  
曹寺監條貫合冠以門下中書後省為名從之紹聖四  
年葉祖洽言兩省置給舍廟堂設施得以更相驗令使  
舍人兼封駁則給事職廢詔持旨書讀不廻避餘令互  
書元符三年曾肇言門下駁正中書違失近給事封駁  
中書錄黃令舍人書讀隳壞官制重和元年張叔夜言  
命令之出中書宣奉門下審讀尚書頒行而密院被旨



亦錄付門下省神宗制也今急速文字不經三省諸房以空黃先次書讀則審讀殆成虛設乞立法禁從之續會要建炎間因舊制置門下後省以給事中為長官四員為額中興會要紹興二年韓世忠賞功文字給事中賈安宅除工部侍郎門下後省闕官乃詔檢正李與權書讀此事亦前所未有朝野雜記

歷代事實左省

杜牧之行崔瑛制云左省駮議不畏強禦

東闈

白集除劉伯芻制給事東

闈實掌駮議

黃闈

輿服志禁門曰黃闈內人主之

黃門

唐德宗以王緯為給事中稱黃門要地

青瑣

後漢百官志給事黃門侍郎掌侍從左右闈通中外及諸王朝見於殿引王執門漢舊儀曰黃門屬黃門

今日暮入對青瑣門拜名曰夕郎宮闈簿青瑣門在南宮衛瓘註吳都賦曰青瑣戶邊青縷也又顏師古曰刻

為連瑣文而青塗也

左掖

桓玄云左掖管轄之司

畫堂

漢官儀曰黃門有畫堂之署

夕郎

見青瑣註又柳子厚朝日說曰漢儀夕則兩郎向瑣闥拜謂之夕郎

**小門下**

鷓距通典謂給事中

下齊世呼侍中為門下

**駁正之任**

唐大詔令孫奭制守駁正之任道不依違

**立德**

晉書任熙立德

**俊才**

荀綽記袁准有俊才

**忠篤履素**

晉起居注武帝詔曰郎中

張逵忠篤履素為江表士大夫所稱宜在中朝以逵為給事中

**清正廉潔**

晉武帝詔燕王陳劭清正

廉潔博通六籍宜在左右以敦儒訓可給事中

**名儒**

胡伯始曰給事中常侍從或名儒或國親東方朔中郎

為給事中劉向諫

**良臣**

見執詞頭

**宰相器**

見批勅註

**以明經**

拜後漢鄭眾傳眾以明經拜給事中

**有直氣為**

呂元膺有直氣

**八年**

遷前漢元帝詔曰蕭望之傳朕侍左右見夕郎註備顧問居

易制俾并瑣  
關以備顧問  
**傳詔旨**  
齊映為人白皙長大言音鳴爽故  
帝令侍左右或馬前臚傳詔旨

**批勅**  
李蕃字叔翰遷給事中制勅有不可遂於黃勅後  
批之吏曰宜別連白紙蕃曰別以白紙是文狀豈

曰批勅耶裴垣言於帝以為有宰相器  
遂拜相故史臣曰批勅有夕郎之風  
**草制**  
按類要云  
德宗實錄

貞元上命盧杞為饒州刺史給事郎袁高宿直當草制  
遂執以謁宰相宰相不悅遂改命舍入草制按此則給

事宿直亦草  
制耶當考  
**塗歸**  
隋百官志給事中掌侍左右分判省  
事凡百司奏抄侍中既審則駁正違

失詔勅不便者塗竄而奏  
還謂之塗歸又見六典  
**駁奏無私**  
盧鈞字子和有大  
詔令必反復省審

駁奏  
無私  
**封奏駁正**  
白集除鄭覃制給事中之職凡制勅不  
便於時者得封奏之刑獄有未合於理

者得駁正之天下寬滯無告者得為御史糾理之有司  
選補不當者得與侍中裁退之率是而行號為稱職固

不專於掌侍奉讚  
詔令而已類要  
**封還詔書**  
狄兼謨擢給事中左藏吏  
盜度支嫌帛文宗以經赦

詔勿治兼謨封還詔書帝曰朕已赦其長官吏  
亦宜宥既而曰後或事有不可勿以還詔為憚  
**論駁準**

**古誼**  
韓幹開元初論  
準皆援準古誼  
**執二勅不下**  
薛存誠為給事中瓊  
林庫廣籍工徒文神

策軍與咸陽尉袁僖不平誣奏之僖被  
罰二勅皆執不下憲宗悅遣使勞之  
**執詞頭謁宰相**

分紀袁高為給事中德宗復用盧杞為刺史命高草詔  
高執詞頭謁宰相曰杞作相矯詐若更授之大郡恐失

天下望宰相不悅命舍人草之詔出高執之不  
下乃奏論之又張獻恭見帝稱高乃陛下良臣  
**犯宰相**

**之怒**  
唐于敖為給事中昭愍即位李逢吉用事與翰林  
李伸不叶誣伸以罪逐嶺外伸職知制誥龐嚴蔣

防坐仲黨左遷敖封還詔書時人以為與嚴相善訴其  
非罪皆曰于給事犯宰相之怒伸龐嚴蔣防屈及駁奏

出乃是論嚴貶熟太  
承嘏奉職郭承嘏轉給事中出為  
刺史給事中盧載封還

詔書曰承嘏自居此職繼有封駁能奉其職宜在瑣闥  
文宗謂宰臣曰承嘏久在黃扉欲優其俸祿而諫列拜

章惜其稱職乃  
崔植舉職崔植為給事中時稱舉職時  
皇甫鎔請減官俸祿植封還

勅書鑄復奏諸州鹽稅  
不擇時對李遜為給事中以  
舊制隻日視事對

羣臣遜奏曰陳誠啓沃不必擇辰今羣臣敷奏乃候隻  
日足畢歲臣下覩天顏獻可替否能幾何憲宗嘉之乃

許不擇  
有迴天力張元素遷給事中太宗詔發卒修洛  
陽宮元素上書諫之魏徵歎曰張公

論事有迴天之力可謂  
有任事稱李澄為給事中  
有任事稱職林不畏

強禦見左  
省註四方想見風采職林許孟容數論駁四方知  
天子開納多士浩然想見其

風世人尚其倖直

職林李渤拜給事中渤孤特自持不苟合於世人謂之沽激屢以言斥而

倖直不少變守節者尚之

得失盡言

穆質性強梗為給事政事得失未嘗不盡言

數以忠

進

孔穎達太宗新即位數以忠進

慷慨論正

孔戣為給事中江西北觀察使李少和坐貶獄寢不下

崔易簡殺從父兄戣乃慷慨論正貶少和殺易簡

陳當世得失

薛元超高宗時為給事中數上

言陳當世得失 復為

見承嗣奉職註

再除

見下

鸞渚如舊

晏公類要唐薛存誠再除

給事中仍是本廳鸞渚几榻杖屨如舊

皇朝事實東臺

職林初僚除毛友制惟東臺論駁之司乃萬事出納之地

瑣闥

曲阜除萊

侍制還 紫垣

仙掖

東掖

黃閣

並晏公類要

黃門

曲阜除龔

原制給事黃閱讀之任曲阜除葉儔制朕付基命於中

門職在出納書付審駁於門下有事殿中之

官實專閱讀之任其見東論駁之司臺註詳詔勅有詔勅並

還東臺出納惟允令直學士向敏中張詠詳酌可否則駁命令南豐擬制

後行下蓋向張二公為給事中故也駁命令南豐擬制

之臣職在於平奏述詳論命令駁其違者而正之數其

善者而行之至於決獄官人發驛遣使申寃滯察苛撓莫不

總馬讀中外出納之事神宗正史職官志給事中四人

納之事若政令有失當則論奏論事感激言行錄陳戩

而駁正之通進司進奏院隸焉論事感激字冲休高宗

朝為給事中益感激論事知無不言抗論無阿避胡澹

除授失當多所論駁論浩然歸重抗論無阿避庵集

程瑀字伯寓拜給事中居瑣闥以平奏自任抗論無阿避會除權邦彥簽書公論邦彥五罪凡三疏遂委以次

官書讀公乃乞罷除兵侍不拜遂除制知信州侍御江  
躋司諫方孟卿上疏留公復除給事上曰給事之設

政要駁異宜在雷同朕深不欲議論引大體元祐黃廉  
卿去既出特賜象笏示隆眷也議論引大

體諫官不當出外四朝會要嘉祐五年七月改新知荆  
南府唐介復知諫院時知門下封駁

事何則言介為諫官有補朝廷不當出外以勅封還之內侍不當干軍政編年備  
要德壽

官提舉陳源兼浙西副總管給事中趙汝愚論駁謂內  
侍不當干軍政詔自令內侍不得兼兵職樞密院遵守

永為定制駁事不稟執政會要元豐七年給事中韓忠彥言  
今月十八日門下省得旨舉駁事

依中書舍人封還詞頭例二十一日中書奉旨給事中  
駁正事赴執政稟議如有異同即具狀繳奏臣詳旨揮

乃是不許依舍人封還例况朝廷以施行事給事中或  
有管見即是已與執政異同自當求決於上豈可更稟



於執政乞依十八日詔所貴兩省奏駁姦惡事畧趙君錫權給事

中蔡確復觀文學士章惇復資政思類相如太宗賜楊學士君錫奏駁論其姦惡命遂格

闔昔年司制誥共封駁皆國體范純禮邊給事中凡所嘉藻思類相如

國體之大者起居舍人張來在病告中書省錄黃不候叅假令供職純禮批勅謂無此例壞禮亂法所不當為

一時為乞正官法治平三年知封駁事韓維言呂誨等之聳動

家乞追還全朝廷典元祐九年劉摯言徐安燾知樞密院因給事兩次封駁遂特旨直下

吏部施行伏望追還誥命全朝廷典法

名賢詩詞東曹拜瑣闈沈佺期詩南省推丹地東曹拜瑣闈惠移雙管筆恩降五時衣

又案積遺常禮朋儕隔等威旭日千門啓  
籍向瑣闥通

初春八舍歸贈蘭閨宿昔談樹隱芳菲  
沈佺期詩言從溫室秘籍向瑣飄飄青瑣郎杜甫奉同  
郭給事湯

東靈傲作飄飄青禁闥偏近日薛存誠再除給事中詩  
瑣郎文采珊瑚鈎云再入青瑣闥忝官誠

自非拂塵驚物在開戶似僧歸積草漸無  
徑殘花尤灑衣禁闥偏近日行坐是恩暉夕奉天書拜

瑣闥王維詩禁裏踈鐘官舍曉省中啼鳥吏夕郎夜直

吟仙掖姚合和盧給事駕鷲簪裾上龍尾蓬萊宮殿平

生批勅手東坡詩平生批勅儒者給事中黃山谷次韻

顧公甚  
魁偉

四六警語

銀臺

黃庭

鸞臺

夕郎

嚴夜

疏渥

發端

疇績辰猷

妙東形宸

拜恩玉陛

疏恩西掖

起聯

青瑣謂之夕郎

職為廟堂之貳

黃門冠乎後省

權居臺諫之先

審騰夕拜之遷

尊銀臺封駁之任

傾側辰猷之告

進瑣闥追趨之班

名參黃散之班

疇咨碩望

任極清華之選

封駁瑣闥

持紫橐以朝

所望高侍列

入青瑣而拜

寵煥為真

論事激昂百辟

仰回天之力

搦文掞麗四方

傳擲地之聲

拜恩玉陛名參

黃散之班

平奏銀臺位極

清華之選

惟時傑出之才方資卓識  
越處塗歸之任持示殊選

乎號宸廷崇獎忠嘉之節  
陞華璣闈密司封駁之權

**警聯**

為法從論思之表 議論少異則宰輔不敢專  
持朝廷廢置之公 旨意可否則制詔隨以格

轉圓有道坐知天意之回  
反汗無嫌更覺王言之大

歲繼豹尾方看翠駕之躬陪  
突兀龍頭又喜黃扉之身到

詔令施行許稽參其利病  
人才進退可抗論其正邪

元素迴天魏鄭歎仁人之力  
李藩批物裴公推宰相之風

朝游青瑣之闈時批紫詔  
夕對金鑾之殿徐草黃麻

推玉佩之珩璜入批勃尾  
被袞衣之黼黻起立班頭

黃扉要近哭李僕之白麻  
青瑣邃嚴批叔翰之黃勃

廟堂之所已議聽自轉移  
萬機之闕賴以彌縫  
臺諫之所未言許令彈擊  
百官之邪得而糾正

盡洗頃時仗下馬之習  
極近臣稽古之榮  
復見前輩殿上虎之風  
彰治世隆儒之盛

封詞頭而不下舊傳解事舍人之名  
批勃尾以復歸共覩儒者給事之效

**結聯**  
批勃見宰相之器行者身列於鳳池  
吹律生寒谷之春政論同登於虎榜

聊屈畫黃重門下駭違之寄  
便應進熟額中書造命之權

觀萬間之居願同燕雀之賀慶  
試一丸之藥尚祈鷄犬之得仙

引睇亨衢喜見鳳池之接  
俯憐末路獲聞燕賀之成

文華飭國典行觀批勅之風  
論議當帝心佇聽回天之力



翰苑新書前集卷七

欽定四庫全書

子部

翰苑新書前集卷八

至十

詳校官中書臣康綸鈞

主事臣祁韻士覆勘

總校官知縣臣楊懋珩

校對官中書臣邱桂山

謄錄監生臣趙位堂



欽定四庫全書

翰苑新書前集卷八

中書舍人

中書舍人

歷代漢尚書郎直宿建禮門奏事明光殿下筆為詔誥出語為誥令中書舍人也通典注

魏置中書通事舍人東晉省以中書侍郎一人直西省即侍郎兼其職而掌其詔命宋初復置通事舍人齊永平初中書通事舍人四員各任一省時謂之四戶權傾天下與給事中為一流梁除通事字直曰中書舍人自是詔誥之任舍人專之魏晉以來詔誥皆中書令及中書侍郎掌隋改為內書舍人唐武德三年改中書舍人置六員永淳以來天下文章道德臺閣髦彥無不以文章達故中書舍人為文士之極任朝廷之盛選諸官莫

比馬通典龍朔改西臺舍人光宅改鳳閣舍人開元改紫微舍人又曰紫微省唐會要本朝國初中書舍人為所遷官實不任職復置知制誥及直舍人院故事入西閣皆中書召試制誥三篇惟梁周翰不召試而授焉其後薛映梁鼎楊德陳堯佐歐陽脩亦如此例按長編薛映梁鼎皆召試翌日與億並命會要誤也元豐五年曾鞏陸佃並試中書舍人自是始正官名續會要遂以中書舍人判後省之事分案五曰上案掌冊禮及朝會所行事曰下案掌受付文書曰制誥案掌書記制詞及試吏校其功過曰諫官案掌受諸司關報文書曰記注案掌錄記注其雜務則隨所分案掌之元祐以蘇軾直舍人院有司言自官制行舍人院廢今為中書後省於是改為權中書舍人遂為故事後詔舍人各簽諸房文字其命詞則輪日分草續會要中興置中書後省以中書舍人為長官六員常除二員一員領吏房及兵工房一員領吏房右選及禮刑房中興會要嘉泰四年李季章

壁以宗正少卿權中書舍人而中字犯祖諱季章辭有旨權以直舍人院繫街乃受命不知舍人院廢已久矣  
蓋大臣失於討  
論也朝野雜記

歷代事實禁職

白集崔羣制自列內朝兼司誥命事煩而益密職久而彌精龍以正名式光禁

職

閣老

唐楊綰為中書舍人故事舍人年久者閣老其公解雜料獨取五之四至綰悉均給之

清平官

南越志南詔謂詞臣曰清平官

綸閣之職

白集除裴度制度以茂學懿文潤色訓誥

體要典麗甚得其宜施之四方朕命惟允况中立不倚道直氣平介然風規有光近侍臺官滿歲班列當違綸

閣之職所宜共授

鳳閣舍人

見官制

薇省

見上同

綸閣

李吉甫制在

禁西垣

西省

鳳池

絲綸閣下

並見詩詞

紅藥

見上同

瑞

柳中書省有柳樹中枯死興元車不納私財職官分紀

除極路隋拜中書舍人翰林學士乃賜金有金帛謝有

古人風南齊傅昭為中書通事舍人居此職者皆權傾

賜漆合燭盤勅曰卿有古以忠謹稱晉劉超遷中書舍

外多事超出納宰相器後周范質漢初加中書舍人戶

使齋詔處分軍事皆合機宜周祖問誰為舍人樣徐堅

奏聖歷中楊再思王方慶為東都留守引堅為判官表

舍人佳舍人文襄嘗曰裴任四俊張嘉貞為中書令薦

樣禮佳舍人樣中含苗延嗣呂太工

等四人皆位清要日與議政事時號令君四俊云

**三才**

唐魏徵兼中含與温子升邢子才齊譽世稱三

才  
**大手筆**

職林唐李嶠朝廷每有大手筆令嶠為之

**蘇賈**

賈曾開元初拜中舍與蘇晉同掌制

誥皆以文辭稱

**常楊**

楊炎為中書舍人與常袞並掌綸誥袞長於除書炎善於德音自開元來詔誥之美

時稱**韓徐**

職官分紀季昇開國徐鉉以秘書郎直門下省書命精當頗得典禮韓熙載亦同掌誥命

與鉉齊名江東謂之韓徐

**譽重一時**

常袞文采瞻蔚長於應猝譽重一時

**為代言最**

唐

述典詔誥為代言最而述尤精密張九齡視其草欲易一字卒不能也

**綸省推高**

文士記除中書

舍人李文為學士云綸省推高

**同舍服能**

陸康拜中書舍人康文思敏速初無思慮揮翰如飛文理

俱愜同舍服其能

**同僚共推**

鄭畋薦中書舍人咸通十年討徐方書詔旁午畋灑翰泉湧動無滯

思同僚閣  
筆推之

海內共推

隋虞世南拜內使舍人柳碩博學  
罕所推許至是與世南相見歎曰

海內當共  
推此一入

文陣雄師

唐蘇頌傳張九齡嘗覽頌文卷謂  
同列曰蘇生之俊贍無敵真文陣

之雄師也

文場元帥

唐張九齡號詞人之  
冠又號文場元帥

文章宿老

唐李嶠  
字巨山

為鳳閣舍人文冊大號今多主為之嶠富才思然其仕  
前與王勃楊盈川按中與崔融蘇味道齊名晚諸人沒

而為文章宿老一  
時學者取法焉

冊奏之工

顏師古遷中書專掌機密  
於時軍國多務凡有制誥

皆成其手冊奏  
之工時無及者

詞人之冠

見文場元帥注

一代詞宗

職官分紀  
唐吏部郎

中張九齡一代詞宗為中書令引韋陟  
為中書與梁涉對文詰時人以為美談  
揮翰如飛見同舍服

能執筆分占

王勃長壽中為鳳閣舍人壽春等五王出  
閣有司具儀忘載冊文勃召五吏執筆分

占其辭

分占口授

職林岑文本號善職而敏速或策令  
叢遽勅吏六七人執筆分占口授咸

無遺

詰命之敏

前蜀庾樓進中書舍人時署百司詰  
命填委皆有典則人服其敏分紀

文

成於心

梁裴子野掌詔詰或問其為文速者  
子野答曰人皆成於手我獨成於心一人辦事

孫處約為中書舍人累年中令杜正倫奏請更授一舍  
人與處約同知制詰高宗曰處約一人足辦我事何須

多得中和氣

唐許景先為中書舍人以文翰見稱中書  
令張說嘗稱曰許舍人之文雖無峻峯激

流斬絕之勢然屬

有元和風

九國志南唐韓熙載為  
和州司馬父之召為中

詞豐美得中和之氣

文有古風

韓文王仲舒穆宗立每  
言仲舒之文可喜最宜

書舍人乃始親職制  
詰典雅有元和之風  
為詰有古風召為舍人既至視同列率新進  
少年居不樂曰豈可復治筆硯於其間哉

煥成文章

白集除馮宿制云吾聞武德及開元中有顏侍陳叔  
達蘇頌大手筆掌書王命故一朝言語煥成文章 文

思溫雅

職官分紀唐王仲舒自職方郎中知制誥文思溫雅制誥所出人皆傳寫

著三足記

職林唐盧景亮嘗謂人君足食足兵而又得士天下可  
為也乃自軒轅以來至唐劉治道之要著書號三足記

撰五經訓

徐邈在西省撰正五經音訓學者宗之

上清暑賦

唐職林崔仁師太宗時辛

翠微宮上清暑賦以  
諷帝賜帛五十段

洛出寶圖頌

崔融為文華婉當時未有輩者朝廷大手

筆多勅委之其洛  
出寶圖頌尤工

承天子誥命

權德輿字載之為起居舍人歲中兼知制誥進

中書舍人獨直兩省數日一還舍乃上言左右掖垣承  
天子誥命奉行詳履各有攸司舊制分曹十員以相防  
檢大抵事有所壅則吏得為非四方聞者或以朝廷為  
乏士要重之司不宜久廢帝曰非不知卿之勞但擇如



卿者未得  
其人耳

### 掌兩宮文翰

職官分記唐徐浩肅宗時拜中書舍人時天下事殷詔令多出

於浩浩屬詞贈給又工楷隸肅宗悅其能加兼尚書石丞元宗傳位誥冊皆浩為之參掌兩宮文翰寵遇莫比

### 封還詞頭

續通典長慶元年中書舍人白居易奏獨孤郎岳州刺史溫造郎州刺史李肇澧州刺史

王鎰鄂州刺史史令臣撰詞四人出官詞頭臣以封訖未敢撰進伏待勅旨

### 掌書王命

見煥成文章注

### 丹地代言

陸辰制爰自高才赴召丹地代言

### 文士極任

通典云自永淳以來天下文章

道德臺閣髦彥無不以文章達故中書舍人為文士之極任朝廷之盛選諸官莫比焉

### 大事必咨

齊澣字洗心開元初姚崇為相用為給事中中書舍人論駁及誥詔皆擬準古誼朝廷大政必咨之時號解事

舍人又分紀云以古義誤誥為準的問古今事

崔琳明政事開元中與高仲舒同為中書舍人侍中

宋璟親禮之每所訪逮嘗曰古事問仲舒今事問琳

**政事堂門**

續通典故事政事堂有門蓋宰相時

適中書舍人院咨訪政事以自廣也及常袞相塞絕其門以示尊大不相往來

**五花判事**

通鑑唐故

事謂之五花判事中書舍人各執所見雜署其名

舍人**六押分司**李泌曰給舍分司押上五事孔氏六帖唐

事發十難唐韋處厚穆宗時為中書舍人時張平叔以

知害民平屢獻讜言蘇晉先天中為中含進賢納諫唐

公權為中書舍人充翰林書詔學士文宗便殿語及漢

退不肖納諫諍明賞罰衣澣濯之衣乃小節爾云人物

云翌日降制以為諫議大夫知制誥學士如故

精鑒

裴均為中舍李吉甫執政以情謁均曰比日人物吾憎不及知君精鑒為我言之均即疏三十許人

吉甫薦

三世居職

孫簡知制誥進中書舍人初遜掌誥至代宗時族祖宿又居職建簡凡三

世三世掌制誥

職林唐李德林李百藥李安期三世掌制誥

三世掌書命

唐張

嘉貞武后時進中書舍人崔暹輕之後與議事正出其上暹驚曰此中共坐後十年而為中書令子廷賞子弘

靖三世掌書命

三世為中書

集賢記注唐徐堅祖孝德父齊聘及堅三世為中書舍人皇朝衣冠

無以為比又徐嶠父子自祖及孫三世為中書舍人

父子同在禁苑

蘇廷碩為中書舍人時父

環同中書門下三品父子同在禁苑朝廷榮之玄宗平內難書詔填委獨廷碩在太極後閣口所占授功狀百

緒輕重無差書吏白曰弓公徐之不盛典出父子之手然手腕脫矣李嶠曰舍人思若湧泉

職林唐賈至天寶末為中書舍人肅宗即位於靈武上  
皇遣至為傳位冊文上皇覽之歎曰昔先帝遜位於朕  
冊文則卿之先父所為今朕以神器大寶付儲君卿  
又當演誥累朝盛典出卿父子之手可謂繼美矣 書

命成一家言

白集楊嗣復制貞元中汝父為中書舍人甚稱厥職今使汝繼書吾命成一家言堂

構國華在於此舉

叔姪對掌

封氏自太和世居兩制舜卿從子德昭時為翰林舜卿時為中舍叔

姪對掌誥命  
當時以為榮

兄弟對掌

九國志南漢趙光裔以膳部郎中知制誥時凡光達為翰林學

士兄弟對掌內  
外制時論榮之

兄弟相代

韋思謙二子承慶嗣立承慶解鳳閣舍人武后謂嗣立曰

爾父嘗稱二子忠孝今使卿  
兄弟自相代即拜鳳閣舍人

鳳閣王氏

王徽字昭文曾祖擇從昆弟四

人至鳳閣舍人者三  
人故號鳳閣王氏

居西掖八年

職官分紀唐權德輿四歲能為詩後為中

書舍人居西掖八年間獨掌者數歲

**為中書九年**

職林高郢公為中書舍人九年家無制草或問

曰前輩皆有制集公獨焚之何也答曰王言不可存於私室

**以諫議知制誥**

分紀柳公權為

中書舍人文宗謂之曰枉知舍人不合作諫議以卿言事有爭臣風采也翌日降制以諫議大夫知制誥不

**十年正綸闡之任**

職官分紀南唐近事張洎計階之歲為潤帥燕王冀所薦首謁韓熙載一

見待之如故舊謂洎日子好一中書舍人頃之韓主文柄洎亦擢第不十年間果正綸闡之任**納言賜**

**錦**高鉞為中書舍人入見帝因勸躬覽以示憂勤帝納其言賜錦綵

**草詔賜宮錦**

職官分紀

封敎為學士拜中書舍人文思敏速武宗深重之嘗草陣傷邊將詔警句云傷居爾體庸在朕躬帝覽而善之

賜之**進言報藥石**

唐太宗時中含高季輔上封事特賜鏗乳一劑曰卿進藥石之言故以藥

石報進諫賜金魚

續通典吐突承瓘於軍中立聖政碑李絳以為不可許憲宗初甚怒絳語

不已上卒大開悟故除絳中書舍人翌日又面賜絳紫衣金魚上親為絳擇良笏勉之曰爾時無易此心

皇朝事實外制

東坡外制深嚴西垣清要

小兩制

見除簽書注

宰相判官

曾肇為中書舍人王巖叟言肇凡材何以稱職呂陶亦言中書舍人前世權重為宰相判官豈可序遠

右

垣

岐公云右垣裁訓

西臺

曲阜除蘇轍位處西臺實與政事

西閣

長編真宗祥符九年知制誥樂

黃目知開封初黃日召試上以黃日久任外官止試制誥二篇入西閣不一月遂罷

紫微閣

仁宗實錄

寶元元年七月新作舍人閣上親篆其榜曰紫微閣又四朝國史劉敞傳敞字貢父元祐中拜中書舍人請復

古制建紫微閣於西省

梁棟之材

見父子繼任注

文學天下所知

言行錄陳文惠

公堯佐天聖初知制誥故事知制誥者先試其文辭天子以公文學天下所知不復命試自國朝以來不試知

制誥者唯楊億文章當今獨步言行錄王禹偁能屬文太宗方獎拔文士召拜

右拾遺禹偁上端拱箴以為誠尋知制誥熙寧三舍人

四朝國史呂大臨傳李定除御史宋敏求蘇頌相繼封還詞命次至大臨亦還之世稱為熙寧三舍人

輩推許四朝國史呂溱傳溱開敏善議論一時名輩推許然喜自貴重見賓客不及數言時號曰七字

舍人揚陳之稱東都事畧陳從易字簡夫知制誥與楊大雅同在西掖時謂之楊陳常楊

不逮東都事畧鄭戩字天休知制誥訓詞深雅時謂常楊不逮也立馬一揮神宗實錄劉敞

字原父在西掖時一日追封皇子公主九人敞將下直為之立馬却坐一揮九制數千言已就經宿進

碑國朝初王祐拜中舍史館受詔撰普  
昭王碑經宿上進中外驚其神速  
占紙肆書言行錄曾

鞏擢中書舍人屬新官制遂掌書命於是更置百官舊  
舍人無在者已試即入院方除日填委占紙肆書初若

不經意午漏盡授草院吏上馬去凡除郎御史數十人  
所以本法意原職守而為之訓勅者人人不同咸有新

趣而行裕雅辭義有三代風  
不自成一家言行錄曾鞏擢中書舍人  
不俟入謝論使就職時自

三省至百執事選授一新除吏日至數十人舉其職事  
以戒辭約義盡論者謂有三代之風上亦數稱其典雅

制誥有西漢風東都事畧王珪知制誥其文典麗  
有西漢風嘉祐初為翰林學士  
詞命

有古風言行錄彭汝礪元祐中拜中書舍人  
賜服金紫詞命雅正人以為有古風  
有常揚風

鄭戩因文定公李迪薦有才累  
為知制誥訓詞雅有常揚風  
有元白風謝絳字希深  
推知制誥文



章典雅有訓誥有程範宋敏求知制誥訓詔詞聞者感泣

元白風宋晦庵集劉珙謚忠肅兼中書舍人會金人渝盟天子

悉師北向以雪讎耻復疆土一時詔檄多出公手詞氣

激烈聞者感至泣下獻皇極箴職官分紀治平元年知制誥參典

王命曲阜除制參典王命專誥命之文職畧除賈安宅

地內史專之官於今號為清選典郡王奏曾鞏元豐為中舍時哲宗為延安

誥命之文特命鞏分日命詞元豐詔中舍分領六房翰苑下兼盤

掌之上隨所領命詞後復分日翰苑下兼州

老人小傳洪适為翰林學士仍兼中書舍人輔臣奏自

來無翰苑下兼西掖者上曰洪某在後省甚振職且要

其整頓綱紀故事給舍繳駁施行者皆封付三省秦頊

提舉太平宮某奏秦檜欺天盜權戕害忠直當錮其子

孫即時御筆依奏乃封付某明日召對上曰所繳詞頭論甚當異日有繳奏只批物進來不須聯章

旬鄭公始

龍川志富鄭公知制誥制下復逆國之封鄭公繳還詞頭封命遂寢唐制唯給事中得封還詔

書中書舍人繳詞頭蓋自鄭公始

繳呂惠公求去詞頭

舊制執政除罷皆宣麻呂惠公弼因

爭新法求去王安石陰沮之乃使舍人院命詞蔡齊掌外制繳詞頭舉典故論之安石勸上內批今後樞密罷

更不瑣闥連名繳奏

樓攻媿集林大中選中書舍人風裁如臺中時侂冑來見公接之無他語

使人通問因願內交又笑却之彭龜年抗論侂冑甚切有旨龜年除職與郡公在西掖樓鑰在瑣闥連名上疏

又同繳奏不草黜韓維制

言行錄曾文昭公肇元祐初選中書舍人門下侍郎韓維面奏范百祿所

為不正黜維知鄆州公不草制兩上章論之

封還易邊帥詞頭

言行錄王巖叟除中書舍人滕

元發自太原易許昌公封還詞頭言今以走馬承受  
一言便易邊帥此風寢長非委任安邊之福命遂寢不

草宦者除制

言行錄劉敞知制誥宦者召金彬正除觀  
察使公封還詞頭不草制其命遂止

中人進官不肯奉詔

楊誠齋集胡銓兼中書舍人有旨  
以中人李綽等嘗典發軍書無誤

各進官一列公不肯奉詔綽  
等泣訴上曰胡銓不肯

內侍升職執奏再三

樓攻媿  
集陳傅

良字君舉除中書舍人封還詞頭遇事輒發張子仁建  
節陳源除內侍省押班率逢原升都統源供職自如而

詞命不行終不得俸逢原先被宣劄已自書押公執奏  
再三終不奉詔此二事無敢嬰其鋒者公神色不動來

則繳奏旁觀者為之寒心

言事契聖心

周益公集洪适除中書舍人  
內直如故方羽檄交馳書詔

填委或夜召或細札咨訪公獨當內外制時時奉詔言  
事如乞防虞海道降詔親征多契聖心大用之意已定

欽定四庫全書

翰苑新書前集

十

內使未行而議

除蘇轍政令之出公卿為朕行之臺諫為朕言之方其未行內史舍人得聞其

議與其既行而後言孰若未行而議之哉

未三十知制誥

朝野雜記本朝未三十知制誥者蘇

太簡二十六吳元仲二十七晏元獻宋宣獻王懿格張安國皆二十八王正文夏文莊皆三十

不試而

命

歐陽公歸田錄國朝之制必先試而後命有國以來不試而命者纔二人陳堯佐及脩忝與其一爾楊

錢免試

會要元豐七年十月詔起居郎楊景畧左司郎中錢總並為中書舍人免試二人奉使高麗方

還在道

蘇劉免試

會要元祐元年起居舍人蘇軾擢為中書舍人十二月直龍圖閣劉攽為

中書舍人

召試之制

石林燕語職事官差除皆除目先下惟中書舍人宰相得言朝退遣

直省官名詣都堂面傳旨召試被命者致辭丞相謝之直省官徑引入中書省前期侍郎廳設幕次几案於中

就坐少頃本省吏房主首持丞相封題目來即就試中  
書具食罷侍郎致茶果是日宰相住省俟納卷始上馬  
翌日進呈除目方下蓋召試之制也有思遲不即就者  
往往過期或為留內門然已不稱職矣嘉祐間有試而  
不除改天章  
**父子繼任**職官分紀王旦拜右正言知制  
誥父祐以清名久掌書命不十

閻待制者  
年旦繼其任時論美之錢若水有人倫鑒與之  
同列每曰王君凌霄聳壑梁棟之材非吾所及也  
**父子掌**

**誥**春明退朝錄父子掌誥國初至熙寧元年凡九家李  
文正昌武王兵部文正王思獻安簡趙文元文莊錢

希白脩懿梁翰林莊肅呂文靖中  
**除簽樞**朝野雜記直  
舍人院祖宗

裕宋宣獻公敏求蘇儀甫子容  
時有之嘉泰四年李季章壁以宗正少卿權中書舍人  
而中書故事小兩制未有除執政者乾道二年蔣子禮

芾始自中書舍人  
**出領外藩**四朝會要雍熙四年以右  
補闕知制誥范景為工部

郎中知京兆府知制誥  
出領外藩自是始也

賜雙燭歸院

丁未錄夕時上神宗  
召知制誥鄭毅夫

對內東門小殿命草吳奎知青州張方平參知政事制  
賜雙燭送歸舍人院二府無知者明早且進草遂付中

書出

召赴曲宴

職官分紀太宗皇帝留心儒術旌賞文翰  
時綸閣之臣始召赴曲宴或令和詩舍人

從遊宴自  
此始也

犀帶佩魚

四朝國史霍端友傳徽宗時為中書  
舍人服金紫故事唯服黑角帶帝顧

見之曰給事舍人等耳而服  
飾相絕如是始命犀帶佩魚

一佛出世

國朝太宗云朝廷  
每除一舍人六親

相賀諺云  
一佛出世

夢窓下草詔

分紀孫抃夜中夢明窓下草制詔  
其後第三人及第知制誥如夢云

自叙  
斷窓

職林楊滔為中舍時催作制勅令吏將鑰匙  
出無本可檢乃斷窓取得本時號斷窓舍人

閣筆

見同僚  
共推注

閉戶

至道中和蒙知制誥蒙之直中書每  
草詔必閉戶精思編討羣籍而後成

沙洲表求經藏碑詔蒙撰以賜之蒙  
遣廝借佛書數千卷人傳以為笑  
雞棲樹初學記魏晉世語曰

劉放孫賀共典樞要夏侯肇心內不平殿中有雞  
棲樹二人相謂此亦久矣其能復幾時謂中書監劉放

中書令鳳凰池晉荀勗自書監為尚書令人賀之  
孫賀乃發恚曰奪我鳳凰池何賀之有失却

君房湘山集真廟時日本國入貢求本國神光寺記舍  
人辭不工令學士張君房代之張退食多潛飲市

棲掖垣求之不得大窘時种放以司諫歸華山楊大年  
為間忙令云世上何人最號間司諫拂衣歸華山世上

何人最號忙紫繆承曲寵宋書謝莊辭中書令表曰臣  
聞壁門天遠鳳沼神深絲綸

王言出納帝命自非望允當時譽  
宣庠塾未有繆承曲寵空席茲榮

羣書精語專裁寬大之詔楊億云三殿內朝日趨翔於  
文陛六飛法從時陪扈於屬

車常瞻咫尺之光  
專裁寬大之詔

書制而專右席

白集庾敬休知制詔書勅以辭藻可使制

誥命而專右席

引而為綸綍垂而為訓誥

白集元稹除中書舍人制而能芟繁詞刻

弊句使吾文章言語與三代同風引之而為綸綍垂之而為訓誥秉筆者莫敢爭能

司言鳳綍揮

翰龍池

陳拾遺集為陳舍人避官表云

紫機務重青紙任隆上鳳池清

切雞木深嚴

張鷟奏注晉荀勗為中書曰奪我鳳凰池魏孫賀劉放為中書指雞棲木曰人同此

木也魏知古寓直鳳閣云

芝泥發彩蘭檢浮香

張鷟奏云自可

曳裾紫禁伏奏青規助朝廷之光輝贊明時之喉舌芝泥發彩宣風藻而騰文蘭檢浮香潤龍緜而動色注內

禁地以青規畫故曰青規漢儀天子制誥以紫芝為泥以封又蘭英為檢紫芝為泥黃練為制勅也  
發帝



之令簡古而蔚

韓文王仲舒碑

迴翔青瑣典掌紫泥

白氏六帖

鼓三

變之文潤色王度

李吉甫制詞云云

鋪訓詞以潤王度

宋申錫制蘊冲

用以究國經鋪訓詞以潤王度

名賢詩詞揮翰紫宸裏

中伯王中書郎詩躍鱗龍鳳池揮翰紫宸裏

紅藥當

堦翻

選謝元暉直中書省詩紫殿肅陰陰彤庭赫弘敞風動萬年枝日華承露掌玲瓏結綺綫深沉映朱

網紅藥當堦翻蒼苔依砌上茲言翔鳳池鳴佩多清響

上君白玉堂

杜甫贈相國張九齡云云

注謂中含彩筆代堯言

古詩賀李含拜命大西垣偏承聖主思黃扉陪漢相彩筆代堯言

西

省鳳池頭

白中書連直詩云今年寒食夜西省鳳池頭

巢君碧梧樹

徐彥伯贈舍人

古意詩云巢君碧梧樹舞君青瑣闌或言鳳池環禁林  
仙閣露沉沉璇題激流日珠綴綿清陰邨穆帝言重榮

煌台坐深鳳張丹  
咫尺月弄紫庭音  
清切丹禁靜上官儀酬薛舍人詩清切丹禁靜浩蕩文河注

西園翰墨林張說詩東壁圖書  
天意皆從彩毫出王建詩綠

松窓對鳳池開履迹衣香過上台天意皆從彩毫出宸  
心盡向紫烟來非時玉案呈宣旨每日金階謝賜回

紫微西省掌泥書古詩上李舍人西掖深沉大帝居紫微西省掌泥書天閣啓編趨朝後侍

史焚香  
起草初彩筆閣批五色詔古詩和宗人見賀分班曉入翔鸞閣直閣旁連浴鳳池彩

筆間批五色詔好  
風時動萬年枝  
直廬深在九重天古詩東同舍詩太微西掖鳳池遣西

閣凌空為起煙彩筆時批  
尺一詔直廬深在九重天  
紅藥翻階畫影清古詩紫泥初熟詔書

成紅藥翻階畫影清屋瓦生  
聯飛仙掖舊心明  
古詩與

烟宮漏永時聞幽鳥自呼名  
聯飛仙掖舊心明  
梁大東

舊心明  
絲綸閣下文書靜  
白居易詩云絲綸閣下文書靜鍾鼓樓中刻漏長獨

坐黃昏誰是伴紫  
三殿花香入紫薇  
岑參西省即事詩

薇花對紫薇郎  
署北山踈雨點朝衣千門柳  
日麗九門青瑣闥  
溫庭筠

色連青瑣三殿花香入紫薇  
所知赤墀高閣自從容玉女宍扉報曙鐘日麗九門青  
瑣闥雨晴雙闕翠微峰毫端蕙露滋仙草琴工薰風入

禁松荀令鳳池春晚  
獨有鳳凰池上客  
岑參和中書賈

晚好將餘潤變魚龍  
池上客陽春夜開金鑰詔詞臣  
王荆公題中書壁夜開

一曲和皆難  
草帝綸須信朝家重儒  
鳳池近日長先暖  
韓退之寄馮

街一時同榜用三人  
二閣老牆下

春渠入禁溝渠水初破滿溝浮鳳學問文章老更醇王

池近日長先暖流到池時更不流荆

公上西垣舍人詩絲綸潤色池上於今有鳳毛杜甫和

今為美學問文章老更醇賈至舍

人朝罷香煙携滿袖詩成珠玉在揮毫一官早要稱三

欲知世掌絲綸美池上於今有鳳毛一官早要稱三

字陳后山詩一官早要稱三字註三字謂知制誥

王禹偁詩攜毫終要居三字出郎終須借一麾

四六警語

恩閣

藥省

綸省

薇省

紫薇閣下

紅藥堦前

發端

優詔上卿

中頌鳳詔

中宸渙號

命播朝所

正班內史

趣占鼇頭

內史升賢

恩隆接畫

疏恩禁脰

光膺書贊

簡自宸旒

楓宸錫命

正位綸閣

就正詞垣

擢居禁掖

藥省代言

黃閣登賢

寵被龍綸

擢升鳳掖

紫薇寓直

起聯

參法從於甘泉豈特妙儒臣之選  
數聖讚於寰海又將為王度之華

紅藥翻皆昔既勞於久假  
紫薇伴直今果慶於為真

紅藥蒼苔重詠鳳池之鳴佩  
青香紫綵共觀寰海之俊人

三神在海上之山久勤攝領  
一佛出人間之世遂見真除

蓬壺清秘早冠羣仙之遊  
星掖高華旋觀一佛之出

五花判事既久兼寓直之榮  
六押分司宜寵錫真除之命

北門視草謂當進學士之班  
西掖拜真聊復示舍人之樣

警聯

玉藻瓊敷以紓舍人之思  
風行雷動灼知王者之心

紫荷繁處光搖萬玉之班  
紅藥翻時風動五花之判

一札成文雅思未嘗淹晷  
五花判事英躔真若聚星

擅討論潤色之工有光詞命  
由言語侍從之列即拜鈞衡

皇墳帝典極磅礴於胷中  
孔思周情妙發揮於筆下

辭達而已矣要必見聖人之情  
才難不其然蓋欲極天下之選

德宇溫如升玉階而啓瑞  
筆端秀發勒金莖以垂芒

號令鼓舞風雷亦云多矣  
猷納司存雨露莫若專之

萬里羽翰壓金馬玉堂之彥  
九天綸綍擅黃麻紫誥之文

盛世典章已得常楊之體  
中興輔佐即馳兩魏之聲

山東聽詔使扶杖有感奮之心  
淮南寢謀無發豪相姍笑之語

竊惟西臺內史之官  
實象北極紫薇之火

伏觀制草顧舍人今樣之何如  
晉揖庭槐信宰相有真之可繼

况紫薇閣下之黃昏  
正瑞柳庭前之春色  
親結龍宸之知  
聿新鳳閣之樣

命自天而三錫  
才與地以雙清  
斯文推服於班揚  
太平共稱於燕許

彩筆時批尺一詔  
九天峻晚閣之班  
青雲散入五侯家  
一夜起春城之句

一札可服於隗囂  
映星斗文章之麗  
尺書可招於贊普  
鼓風雷號令之傳

渙邦號於風雷  
沛天恩於雨露

窓對綠松  
塔翻紅藥

高文大冊非復騷人墨客感遇之詞  
崇論宏言盡得宗廟朝廷嚴重之體

### 結聯

黃麻似六經願即燮鹽梅於九鼎  
洪鈞陶萬類庶充桃李之一根

碧梧幕府幸稍安雲外之城  
紅藥主人倘或念天涯之客

鳳鸞高舉式觀君子之逢辰  
雞犬俱仙更冀賢人而引類

千門柳色誰憐芻狗之陳人  
萬里草堂遙想槐龍之清影

虞夏之書渾渾爾可以齊驅  
夷望之業凜凜乎行將爰立

寵踰華袞已叨一字之褒綸  
氣轉洪鈞必念八荒之棄物



切喜文章復見兩都之作  
尚忻輔相盡還三代之風

裁五色之詔分曹一直於紫微  
序兩省之班聯步亟趨於丹陛

出如綸出如綍益隆潤色之勲  
用作揖用作霖亟正贊襄之位

奉玉音而書底小墟黼藻之工  
顯金鼎以調元行究經綸之業

近玉皇之香案已著侍臣之冠  
築宰相之沙堤亟拜上公之冊

動心駭目茲觀大手筆之傳  
削贖濡毫當慶真學士之拜

翰苑新書前集卷八

欽定四庫全書

翰苑新書前集卷九

左右史

起居郎  
起居舍人

起居郎舍人

歷代周官有左右史蓋今起居之本動則左史書之言則右史書之左史記言右史

記事漢武帝有禁中起居注後漢馬皇后撰明帝起居注則漢起居似在宮中為女史之任其後起居皆近侍之臣錄記也歷代有其職而無其官後魏始置起居令史每行幸宴會則在御左右記錄帝言後又別置修起居注通典唐起居郎二人掌錄天子起居法度天子御正殿則郎居左舍人居右有命俯陛以聽季終以授史官貞觀中以給事中諫議大夫兼知起居注或知起居事每下議政事起居郎一人執筆記錄於前史官隨之

其後又置起居舍人分侍左右秉筆隨宰相入殿若殿  
在紫宸內閣則夾香案分立殿下直第二螭首和墨濡  
筆皆即坳處時號螭頭太宗李義府為相奏請多畏人  
之知乃命起居舍人對仗承日仗下與百官皆出不復  
聞事務矣長壽中宰相姚璩建議仗下後宰相一人錄  
軍國事要為時政紀月送史館率推美讓善事非其實  
未幾亦罷而起居郎猶因舊制勅稍削筆削以廣國史  
之闕起居舍人居記言之職唯編詔書不及他事太和  
中詔入閣日起居舍人具紙筆立螭頭下復貞觀故事  
百官志本朝沿唐制起居郎隸門下起居舍人隸中書  
號小兩省官皆為虛名職畧不典本省事而典職者自  
號修起居注凡二人天子御正殿記注官不侍左右唯  
朝會對立於香案前常日則更番迎直於崇政殿延和  
殿行幸則從上出入皆所以書言動熙寧初詔諫官兼  
修注者因後殿侍立許奏事元豐中兼修注王存乞復  
起居郎舍人之職使得盡聞明天子德音退而書之神

宗亦畏人臣奏對有頗僻讒隱者若左右有史官書之則無所肆其姦矣故事左右雖日侍立而欲奏事必稟中書俟旨存因對及之乃詔雖不兼諫職者亦許直前奏事五年官制行罷修注而郎舍人始顯其職四朝志起居郎舍人掌記天子言動御正殿則俟於門廡外便殿則侍立行幸則從大朝會則對立於殿下螭首之側凡朝廷命令赦宥禮樂法度損益因革賞罰勸懲羣臣進對文武臣除授及祭祀燕享臨幸引見之事四時氣候四方符瑞戶口增減州縣廢置皆書以授著作官六年詔左右史分記言動元祐元年仍詔不分七年詔彌英閣講讀罷有留身奏事者許侍立紹聖元年中丞黃履言所奏或於機密難令旁立乃止續會要隆興元年胡銓奏記注之失有四一人主不當觀史國朝梁周翰以起居注每月進御慶厯中歐陽脩乞更不進本仁宗從之今望遵仁宗之訓二立非其地國朝記注之臣立於座後歐陽脩謂當人主言動而書乃立於前脩罷復

故今乃立於殿之東南隅言動不聞乞復歐陽脩之制  
三前殿不立國朝古制前後殿皆侍立而前殿不立又  
左右史分日而立無言動之異欲乞於前後殿皆分日  
侍立四奏不直前臣欲直前奏事闕門以不預牒却之  
嘗預牒矣又以無班為詞是雖有直前之名而無可奏  
之時矣乞左右史奏事直前不必預牒及有無班次為  
拘也詔前殿依後殿侍立餘並依舊制淳熙間羅春伯  
黜自戶部員外郎除右史避曾祖諱以太常少卿兼侍  
立修注官其後兩史或闕則降  
旨以某人權侍立官蓋自此始

### 歷代事實柱史

晉書天文志東一星曰柱史水官  
唐會要云

正直第二螭首和墨濡翰皆即螭首之坳處  
由是諺傳謂螭頭有水官既密侍號為清美  
左侍極

為左史其著序侍從班見置札記事之官  
訓自稱左侍極  
白居易蕭俛起居舍人制

云記事之官 門人俱美 鄭仁表為起居郎文章俊拔自  
謂門地人物文章俱美嘗曰天瑞

有一時清選 有五色雲人 第一流 唐言左右史 博涉文史 職林褚  
遂良博

涉文史工隸指 賦偃松篇 職林唐開元蔡孚賦東都龍  
太宗召今侍書 與觀偃松篇玄宗賜和御書

刻石 載筆 唐太宗謂諫議大夫褚遂良曰卿知起居記  
紀之 錄何事得觀之否對曰今之起居古之左右

史書人君言事具記善惡以為檢誠庶幾人主不為非  
法不聞帝王親自觀史上曰朕有不善卿必書之耶遂

良曰臣子當載 和墨 唐百官志 執筆螭頭 見臣記  
筆君舉必記 見官制 執筆螭頭 為史注 操筆

赤墀 職林鄭厚曰記注執筆螭頭下 置札玉階 嘉話開  
其書為後世法不可用黨人 成未韋

絢自左補缺為起居舍人時楊嗣復已除起居舍人楊  
嗣復於殿下先奏曰左補缺韋絢新除起居舍人未中

謝奏取進止帝頷之李珣招而引之絢即置筆札於玉階欄檻之右疾趨而置詞拜舞馬左史得中謝自開成中至武宗即位隨仗而退無復簪筆之際因得窺邇天顏故後人謂兩省為侍從班則登其選不為不達矣

立螭下

類要唐文宗時杜牧丹墀誌曰公為起居舍人立右螭下

夾香案

見官制

賈紙

筆

唐文宗勅左右省起居賈筆硯及紙於螭頭下記言記事

入延英

唐馮定請左右史隨宰相入延英

記事宰

青史

晏類要載漢事青史左右史官記事

撰時政記

唐永徽已後左右史惟

得對仗承旨仗下後謀議皆

修起居注

唐杜正倫知起居注太宗嘗謂

侍臣曰朕每日坐朝欲出一言即思此言於百姓有利益否所以不能多言正倫曰君舉必書言存於左右史

千載累於聖德非直當今損於百姓願陛下慎之太宗



大君舉必書見上臣記為史唐鄭朗字有容為起居郎

朗執筆螭頭下宰臣退上謂朗曰適所議論卿紀錄未  
吾試觀之朗對曰臣執筆所記便名為史故事不可取

觀帝曰朕恐平常閒語不關理體垂諸將來竊以為耻  
異日臨朝庶幾稍改何妨一見以誠醜言朗遂進之

執簡記錄唐會要蘇氏記曰貞觀中每日仗退上與宰  
臣參議政事即令起居郎一人執簡記錄

職在司言唐玄宗親製春臺望一章起居舍人蔡孚  
奏臣職在司言請宣示百僚及編國史記

錄帝言後魏始置起居令史每行幸宴會則  
在御左右記錄帝言及賓客訓答廣記備言

左傳序身為國史躬覽載籍必廣記備言繫月繫時六典起居郎掌錄天子  
之動作法度以修記事

之史凡記事之制以事繫日以日繫月以月繫時以時  
繫年必時書其朔日甲乙以紀歷數典禮文物以考制

度遷拜旌賞以勸善誅伐黜免以  
懲惡季終則授之於國史馬云云  
**記言記事**六典注起居郎因起

居注以為名者記錄人君動止之事春秋傳曰君舉必  
書禮云動則左史書之言則右史書之又曰左史記言

右史記事言為尚書也  
**珥筆記言**唐許公集珥筆記言才光東觀**諫罷封**

**禪**唐貞觀有事泰山褚遂良**陳政得失**高鉞為起居郎

宗嘉**請納封事**唐吳兢為起居郎上**論事忠切**唐魏謩

舍人帝謂之曰以卿論事忠切有**天子欽矚**文宗時周

貞觀之風故不循限授卿此官**召質是非**職官分紀張次宗

帝御紫宸或召左右史咨**質所宜最為天子欽矚**有文學開成中為

起居舍人文宗復故事每入閣左右史執筆立於螭頭

之下宰相奏事得以備錄宰臣既退上召左右史更質

證所是非故開成政事詳不許人主觀史魏謩文宗時於史氏次宗尤稱奏職

起居注謩奏古置左右史書得失人主不可觀向者取觀史氏為失職陛下一見則後來所書必有諱屈善惡

不實不可以為史乃止不聞帝王觀史見載文宗觀史見臣記

皇朝事實小兩省熙寧八年范百祿奏今修起居注則縱小兩省班知諫院絀而不與螭

陞揚億謝表螭坳初寮制曰職聯兩省初寮制左右置退辭螭陞筆載螭坳

執筆殿陞又除范祖禹制執號為要地樂城制左右史官號為要地手

刊策書足以明枉直之效密直前奏事東都事畧記天侍殿下足以觀進退之詳

子言動四朝志依講讀官奏事中興會要紹興二十八年詔起居郎舍人自今

後許依講讀官奏事先是起居郎洪遵言臣幸得以記注陪侍經幄伏聞元祐中起居舍人呂陶嘗乞候講讀臣僚再留奏事並許侍立以見講退猶且入侍何由與不許奏事乞下講筵所依講讀官例施行故有是詔與

講讀官並列

石林燕語本朝記注初不侍立但於前後殿為次使候上殿臣僚退面問所嘗言書

之然未嘗有敢告之者也後始詔後殿輪日入侍崇寧初鄭丞相遠夫為史復建言併前殿皆入侍並立於殿雖存故事而奏對語畧不相聞亦不敢自書惟經廷得與講讀官並列嘉祐間賈真孺所請也 延英

入侍

至和中知制誥賈黯言延英召侍臣講讀其諮訪之際動關政體乞令修注官侍閣中 邇英

侍立

仁宗朝講讀官侍邇英者皆立每問事則衆人齊對頗紛紛乃詔皆坐惟當講讀者以次立而記注

亦坐石昌言奏記注官當立侍密邇勸上延訪政事 東

德音以詳記錄不可坐遂令立侍

事畧歐陽脩傳仁宗朝召脩知諫院未幾  
脩起居注每勸上延見大臣訪以政事  
奏乞從容訪

問李參政壁撰周文忠公必大行狀公以起居郎直前  
奏事上曰有近作可多進來屬初御經筵公奏祖宗

置經筵非為分章析句正欲願絕口言和  
人主從容訪問以裨聖德  
周平園集胡

論記注不應進案前後殿皆當侍立遇直前每曰閤門  
毋隔班次金人再求和公曰願絕口不言和字上歎其

忠直王之望尹穡皆主和排張  
忠獻公公廷責之聞者稱快  
論好生惡殺  
東坡集賦

曰竊見韓維讀三朝寶訓至真宗皇帝好生惡殺因論  
陛下在宮中不忍踐履虫蟻其言可以推明聖德臣忝

備位右史謹書其事於冊又錄一本上進望  
陛下采覽無忘此心以廣好生之德臣不勝大願  
論又用

三德言行錄王巖叟字彥霖元祐中為起居舍人入侍  
過英司馬康講洪範至又用三德上曰只此三德

為更有德公退而上書曰陛下既能審而問之必能體而行之三德者人君之大本得之則治失之則亂臣備

職史官敬已書之  
**起居注進御**  
東都事畧梁周翰傳太

於冊以示萬世  
起居舍人兼起居郎因言皇帝宣諭之言侍臣論列之  
事望修為時政記仍令郎與舍人分直崇政殿以記言

動別為起居注每月先進御後降  
**純用科名人**  
本朝唐

付史館起居注進御自周翰始也  
政純用科名人修起居注非故  
**朕自知卿**  
字行錄胡銓

事未幾修注闕仁宗遜特用詢  
**朕自知卿**  
字行錄胡銓

起居郎直前奏事云陛下登極首蒙召  
**無以易乘**  
仁宗

除曾未浹旬又權左史上曰朕自知卿  
**無以易乘**  
實錄

初修起居缺中書擬人而彭乘在選中上指乘曰此老  
儒也雅有恬退名無以易之及召見諭曰卿先朝舊人  
久補外未嘗自言對曰臣生孤遠自  
**無出公右**  
言行錄

量其分敢過有所望耶上頗嘉之  
陳文惠

用蘇軾為起居舍人公起於憂患不欲驟復要地力辭之見宰相蔡持正自言持正曰公徊翔久矣朝中無出

公右者公固辭持正曰今日誰當在公前為郎者七年

言行錄陳文惠公堯佐居官不遷修註十餘載東都事畧崔遵度傳

常退匿楹間慮為上所見其怙於勢利如此兼諫職

會要熙寧二年四月刑部郎中秘閣校理同修起居注陳襄兼起居舍人知諫院兵部員外郎兼起居舍人同

知諫院范純仁直集立螭非唐地程大昌演繁露云李賢院同修起居注誠營造式螭首施之

對柱及殿四角今二史所立東南偏其立殿角隨階之螭歟以其皆為石螭遂認為唐螭非其地也

羣書精語書笏珥彤記事於仙室王元長詩序云

名賢詩詞獻納司存雨露邊

杜工部贈起居田舍人詩  
獻納司存雨露邊地分清

切任才賢舍人退食收封事宮女開函近御筵曉箭追  
移青鎖闥晴窓點檢白雲篇揚雄更有河東賦惟待吹

噓送上天 彩筆專書皇帝語 姚合寄裴起居千官曉立爐烟  
裏立近丹墀是起居彩筆專書

皇帝語書成 官清立入金爐北 姚合寄周起居詩官清  
幾卷太平書立入金爐北仗下歸眠

玉殿西 更立螭頭運兔毫 許渾寄李定言右史纔歸龍尾  
含雞舌更立螭頭運兔毫闔闔

欲聞金漏盡冕旒初坐御香高 朝天最近天 鄭谷寄在省張起居舍香  
復記言清扶稱當年點筆

非常筆朝天 名高三俊上 陳后山寄張文潛舍人詩  
名高三俊上官立右螭傍 天語

侍臣聞 姚合寄劉起居九衢寒霧斂雙闕曙光分綵仗  
迎春日香烟接瑞雲珮聲清漏聞天語侍臣聞



莫笑馮唐老  
還來謁聖君  
銀臺曉候宣  
鄭谷寄左省章起居風神何  
蘊籍張緒正當年端簡爐烟

裏滯毫御案邊云云  
夕應稱入銀臺曉候宣  
玉皇香案吏  
元集元微之誇白  
樂天詩我是玉皇

香案吏謁居  
猶得在蓬萊

四六警語

螭坳  
陸

左螭  
右螭

螭頭  
柱史

柱下  
史掖

立螭  
載筆

發端

席前  
渙渥  
柱下  
升班

楓宸  
渙號  
柱史  
升華

黃屋  
深知  
赤墀  
親擢

出詩  
中宸  
記言  
右陸

起聯

大君有命  
春求載筆  
之臣  
左史記言  
爰約繫年  
之法

占柱下之一星珠  
冠螭頭之二史金  
紀生風

承明之有直廬  
方步八埒之日  
紫宸之夾香案  
更依五塚之雲

司存雨露久攝侍於清光  
握照乾坤果進標於直筆

束帶而立近天光於咫尺之間  
端筆而書正君學於幾微之始

舊班清切蚤兼兩禁之榮  
新渥昭回益示九重之眷

當用第一流人侍拱赤墀之立  
綴班小兩省地清嚴青瑣之移

南司五院方嚴執法於殿中  
東極一星復禮典書於柱下  
茲首席於記言  
實有階於論地

爰參黃閣之班  
進珥赤墀之筆  
曰識曰才之兼善  
書言書動之迭居

警聯

宣精柱下仰鄰北極之尊  
濡翰螭頭肅對紫宸之伏

記乘輿言動之微有嚴載筆  
察省臺事幾之要兼賴舉綱

濡珥形之毫而畫九重之言動  
繡汗青之簡以垂四方之光輝

出入起居先載繫年之史  
左右侍從皆高記事之司

聖朝舉無缺事可以緩於箴規  
人主蔑有戲言正欲明於記注

天顏咫尺爰車冠於螭坳  
雲步梯階蓋例違於鳳閣

雖堯舜居上無明爭顯誅之勞  
然佚狐在前有陰警潛規之助

若遂良吳兢二子之稱職  
與周翰賈黯諸公之得人

觀繫日繫時之法已占述作之精  
考卜世卜年之期行觀明良之懿

事而必記固遠法於春秋  
奏以直前要近承於雨露

發揮神聖有公是公非之權  
判白奸回無作賢作佞之感

侍玉皇之香案漫顯清華  
納金匱之圖書有光論議

作漢一經豈獨弘敷於景鏐  
建周六典固將躬致於太平

君舉必書風采深增於柱下  
朕志先定姓名已覆於甌中

載堯舜之都俞以軌範一世  
篆商周之盤誥以鼓舞萬方

螭頭砌處久稱解事之舍人  
龍虎道中遂冠積善之倚相

載堯舜之都俞道行以直  
法春秋之筆削君舉必書

親見揚子雲既聳觀於論議  
有若南宮适宜即任於贊襄

不有深切著明之辭 定知簡冊所載  
孰示出入起居之戒 當與典謨並傳

對清光之咫尺 仰模北極柱下之躔  
立丹陛之深嚴 遠陋西都禁中之錄

凜凜佚狐之筆 爰渙德音  
飄飄班馬之香 俾顯書法

### 結聯

螭頭天子之言 暫司記注  
鳳閣舍人之謀 卽演絲綸

勸善懲惡 既收鉛槧之功  
經體贊元 卽助丹青之化

立螭頭號 二史是惟天子之近臣  
起柱下位 三公自有君家之故事

威顏咫尺 仰密邇於清光  
厦屋栴櫨 願永依於大庇

屬車之聯豹尾 暫茲置札於玉階  
鳴珮之翔鳳池 行矣調元於金鼎

香薰班馬姑教春秋之謹嚴  
集趁夔龍即陪夙夜之宥密

夾玉皇之香案共欽稽古之榮  
築宰相之沙堤共究濟時之業

接蓬萊之雲阻緹門闌之賀  
望河西之雨獨深厦屋之依

舍人收封事開函爰近於御筵  
明公獨妙年扈聖即登於黃閣

地分清切暫煩占二點之青  
帝曰登庸行見齊三台之色

翰苑新書前集卷九